

史

記

一
三



吳太伯世家第一

史記三十一

索隱曰系家者記諸侯本系也言其下及子孫常有國故孟子曰陳仲子齊之系家又董仲舒曰王者封諸侯非官之也得以代代為家者也

吳太伯

韋昭曰後武王追封為吳伯故曰吳太伯。索隱曰國語云黃池之會晉定公使謂吳王夫差曰夫

命圭有命固曰吳伯不曰吳王是吳本伯爵也范甯解論語曰太者善大之稱伯者長也周太王之元子故曰太伯稱仲

雍季歷皆以字配名則伯亦是字又是爵但其名史籍先闕爾。正義曰吳國號也太伯居梅里在常州無錫去東南六

十里至十九世孫壽夢居之號句吳壽夢卒諸樊南徙吳至二十一代孫光使子胥築闔閭城都之今蘇州也 太伯

弟仲雍

索隱曰伯仲季是兄弟次第之字若表德之字意義與名相符則系本曰吳孰哉居潘籬宋衷曰孰

哉仲雍字潘籬今吳之餘暨也解者云雍是孰食故曰雍字孰哉也 皆周太王之子而王

季歷之兄也季歷賢而有聖子昌太王欲立季

歷以及昌於是太伯仲雍二人乃犇荆蠻文身

斷髮示不可用

應劭曰常在水中故斷其髮文其身以象龍子故不見傷害。正義曰江熙云

太伯少弟季歷生文王昌有聖德太伯知其必有天下故欲

傳國於季歷以太王病託採藥於吳越不及太王薨而季歷

立一讓也季歷薨而文王立二讓也文王薨而武王立遂有

天下三讓也又釋云太王病而託採藥生不事之禮一讓也

太王薨而不反使季歷主喪不葬之以禮二讓也斷髮文身示不可用使歷主祭祀不祭以禮三讓也

季歷季歷果立是為王季而昌為文王太伯之

犇荆蠻自號勾吳

宋衷曰勾吳太伯始所居地名。索隱曰荆者楚之舊號以州而言之曰荆蠻者閩也南夷之名蠻亦稱越此言自號勾吳吳名起於

太伯明以前未有吳號地在楚越之界故稱荆蠻顏師古註漢書以吳言勾者夷之發聲猶言於越耳此言號勾吳當如顏解而註引宋衷以為地名者系本居篇云孰哉居藩籬孰姑徙勾吳宋氏見史記有太伯自號勾吳之文遂彌縫解彼云是太伯始所居地名裴氏引之恐非其義藩籬既有其地

勾吳何揔不知真實吳人不聞別有城邑謂名勾吳則系本之文或難依信

荆蠻義之從而

歸之千餘家立為吳太伯太伯卒

皇覽曰太伯冢在吳縣北梅里

聚去城十里

無子弟仲雍立是為吳仲雍仲雍卒

索隱曰吳

地記曰仲雍冢在吳鄉常熟縣西海虞山上與言偃冢並列

子季簡立季簡卒子叔

達立叔達卒子周章立是時周武王克殷求太

伯仲雍之後得周章周章已君吳因而封之乃

封周章弟虞仲於周之北故夏虛

徐廣曰在河東太陽縣

是

為虞仲

索隱曰夏都安邑虞仲都太陽之虞城在安邑南故曰夏虛左傳曰太伯虞仲太王之昭則虞仲是

太王之子必也又論語稱虞仲夷逸隱居放言是仲雍稱虞仲今周章之弟亦稱虞仲者蓋周章之弟字仲始封於虞故

曰虞仲則仲雍本字仲而為吳之始祖故後代亦稱虞仲所以祖與孫同號也

列為諸侯周章

卒子熊遂立熊遂卒子柯相立正義曰柯音歌相音相匠反柯相

卒子彊鳩夷立彊鳩夷卒子餘橋疑吾立正義橋音

橋驕反餘橋疑吾卒子柯盧立柯盧卒子周繇立

正義繇音周繇卒子屈羽立正義屈居勿反屈羽卒子夷吾

立夷吾卒子禽處立禽處卒子轉立索隱曰譙周古史考云柯

轉卒子頗高立索隱曰古史考作頗夢頗高卒子句卑立

索隱曰古史考云畢軫是時晉獻公滅周北虞公以開晉伐

虢也索隱曰春秋經僖公五年冬晉人執虞公左氏二年傳曰晉荀息請以屈產之乘與垂棘之璧假道於虞

以伐虢虞公許之且請先伐之遂伐虢滅下陽五年傳曰晉侯復假道伐虢宮之奇諫不聽以其疾行曰虞不臘矣八月

甲午晉侯圍上陽冬十有二句卑卒子去齊立去齊

吳大伯世家

卒子壽夢立正義夢莫公反壽夢立而吳始益大稱王

自太伯作吳五世而武王克殷封其後為二其

一虞在中國其一吳在夷蠻十二世而晉滅中

國之虞滅中國之虞滅二世而夷蠻之吳興正義曰中

國之虞滅後二世合七十一年至壽夢而興大稱王大凡從太伯至壽夢十九

世索隱曰壽夢是仲雍十八代孫王壽夢二年索隱曰自壽夢已下始有其年春秋唯記卒計

壽夢二年當成公七年楚之云大夫申公巫臣怨楚將子反

而犇晉自晉使吳教吳用兵乘車令其子為吳

行人服虔曰行人掌國賓客之禮籍以待四方之使賓大客受小客之幣辭。索隱曰左氏成二年曰巫臣聘

齊及鄭使介反幣而以夏姬行遂奔晉七年傳曰子重子反殺巫臣之族而分其室巫臣遺二子書曰余必使爾罷於奔

命以死巫臣使於吳吳子壽夢悅之乃通吳于晉教吳乘車
教之戰陣教之叛楚寘其子狐庸焉使為行人吳始伐楚伐
巢伐徐鄢陵之會吳入州來子重子反於是乎一歲七奔命
吳於是始通於中國吳

伐楚十六年楚共王伐吳至衡山杜預曰吳興烏程縣南也。索

隱曰春秋經襄三年楚公子嬰齊帥師伐吳左傳曰楚子重伐吳為簡之師克鳩茲至于衡山也

年王壽夢卒索隱曰襄十二年經曰秋九月吳子秉卒左傳曰壽夢計從成六年至此正二十五年系

本曰吳孰姑徙勾吳宋衷曰孰姑壽夢也代謂祝夢乘諸也
壽孰音相近姑之言諸也毛詩傳讀姑為諸孰姑壽夢是一

人又名壽夢有子四人長曰諸樊索隱曰春秋經書

樊蓋過是其名諸樊是次曰餘祭次曰餘昧索隱曰左

其號公羊傳過作謁戴吳杜預曰戴吳餘祭也又襄二十八年左氏齊慶封奔吳

吳勾餘與之朱方杜預曰句餘吳子夷末也按餘祭以襄二
十九年卒則二十八年賜慶封邑不得是夷末但句餘或別
是一人杜預誤為夷末爾夷末惟史記公羊作餘昧左氏及穀

吳大伯世家

梁並為夷末夷末句餘音字各異不
得為一。正義祭側界反昧莫葛反
也餘祭也夷昧也與季子同母者四人季子弱而才兄弟皆
愛之同欲以為君季子猶不受謁請兄弟迭為君而致國乎
季子皆曰諾故謁也死餘祭也立餘祭也死夷昧也立夷昧
也死則國宜之季子季子使而亡焉僚者長庶也即之闔閭
曰將從先君之命與則國宜之季子也如不從君之命則宜
立者我也僚惡得為君乎於是使專諸刺僚史記壽夢四子
亦約公羊文但以僚為餘昧子為異耳左氏其文不明服虔
用公羊杜預依史記及吳越春秋下註徐廣引系本云夷昧
生光引吳越春秋云王僚夷昧子今檢系本吳越春秋並無
此語然按左氏狐庸對趙文子謂夷末甚德而度其天所啓
也必此君之子孫實終之若以僚為夷末子不應此
言又光言我王嗣則光是夷昧子明僚是壽夢庶子

次曰季札

索隱曰公羊傳曰謁

賢而壽夢欲立之季札讓不可於是乃立長子

諸樊攝行事當國王諸樊元年

系本曰諸樊失徙吳也。索隱曰按在

左氏襄十四年諸樊已除喪讓位季札季札謝曰曹宣公

之卒也諸侯與曹人不義曹君

服虔曰宣公曹伯盧也以魯成公十

三年會晉侯伐秦卒于師曹君公子負芻也負芻在國聞宣公卒殺太子而自立故曰不義之也

將立子

臧子臧去之以成曹君

服虔曰子臧負芻庶兄○索隱曰成十三年左傳曰曹宣公卒

于師曹人使公子負芻守使公子欣時逆喪秋負芻殺其太子而自立杜預曰皆宣公庶子也負芻成公也欣時子臧也十五年傳曰會于戚討曹成公也執而歸諸京師諸侯將見

子臧於王而立之子臧曰前志有之曰聖達節杜預曰聖人應天命不拘常禮也次守節杜預曰謂賢者下失節杜預曰

愚者妄動也為君非吾節也雖不能聖敢失守乎遂逃奔宋

君子曰能守節矣君義嗣

王肅曰義且也嫡子嗣國得禮之宜杜預曰諸樊嫡

子故曰義嗣○索隱曰君子者左丘明所為史評仲尼之辭指仲尼為君子也

誰敢干君有國

非吾節也札雖不材願附於子臧之義其人固

立季札季札棄其室而耕乃舍之

正義舍音捨

秋吳伐

吳太伯世家

楚楚敗我師四年晉平公初立

索隱曰左傳襄十六年春葬晉悼公平公

即位是也

十三年王諸樊卒

索隱曰春秋經襄二十五年十有二月吳子遏伐楚門于巢卒

左氏曰吳子諸樊伐楚以報舟師之役門于巢巢牛臣曰吳王勇而輕若啓之將親門我獲射之必殪是君也死疆其少

安從之吳子門焉牛臣隱於短牆以射之卒

有命授弟餘祭欲傳以次必

致國於季札而止以稱先王壽夢之意且嘉季

札之義兄弟皆欲致國令以漸至焉季札封於

延陵故號曰延陵季子

索隱曰襄三十一年左傳趙文子問於屈狐庸曰延州來

季子其果立乎杜預曰延州來季札邑昭二十七年左傳曰吳子使延州來季子聘于上國杜預曰季子本封延陵後復

封州來故曰延州來成七年左傳曰吳入州來杜曰州來楚邑淮南下蔡縣是昭十三年傳吳伐州來二十三年傳吳滅

州來則州來本為楚邑吳伐滅以封季子也地理志云會稽毗陵縣季札所居太康地理志曰故延陵邑季札所居粟頭

有季札祠地理志云沛郡下蔡縣古州來國為楚所滅後吳取之至夫差遷昭侯於州來公羊傳曰季子去之延陵終身不入吳國何休曰不入吳朝廷也此云封於延陵謂國而賜之以菜邑杜預春秋釋例土地名則云延州來闕不知何故而為此王餘祭二年齊相慶封有罪自齊來奔吳言也

吳子慶封朱方之縣吳地記曰朱方秦改曰丹徒以為奉邑以

女妻之富於在齊四年吳使季札聘於魯在春秋魯

襄公二十九年請觀周樂服虔曰周樂魯所受四代之樂也杜預曰魯以周公故有天子禮樂為歌

周南召南杜預曰此皆各依其本國歌所常用聲曲曰美哉始基之矣王

曰言始造王基也猶未也賈逵曰言未有雅頌之成功也杜預曰猶有商紂未盡善也然勤而

不怨杜預曰未能安樂然其音不怨怒歌邶鄘衛杜預曰武王伐紂分其地為三監三監叛

周公滅之并三監之地更封康叔故三國盡被康叔之化曰美哉淵乎憂而不困者

吳太伯世家

也賈逵曰淵深也杜預曰亡國之音哀以思其民困衛康叔武公德化深遠雖遭宣公淫亂懿公滅亡民猶秉義不至

於困吾聞衛康叔武公之德如是是其衛風乎賈逵曰康叔遭管叔蔡叔之難武公罹幽王褒姒之憂故曰康叔武公之德如是杜預曰康叔武公皆衛之令德君也聽聲以

為別故歌王服虔曰王室當在雅衰微而列在風故國人

有疑言黍離曰美哉思而不懼其周之東乎服虔曰平王東遷維杜

也預曰宗周殞滅故憂思猶有先王歌鄭賈逵曰鄭風東鄭是曰其

之遺風故不懼也。正義思音肆風東鄭是曰其

細已甚民不堪也是其先王乎服虔曰其風細弱已甚攝於大國之間無

遠慮持久之風故曰歌齊曰美哉泱泱乎大風也哉

民不堪將先云也服虔曰泱泱舒緩深遠有大和之意其詩風刺辭約而義微體疏而不切故曰大風。索隱曰泱於良反泱泱猶汪洋

洋美盛貌也杜預曰弘大之聲表東海者其太公乎王肅曰言為國東海之表式

未可量也

服虔曰國之興衰出數長短未可量也杜預曰言其或將復與

歌函曰美哉

蕩蕩乎樂而不淫

賈逵曰蕩然無憂自樂而不荒淫也

其周公之東

乎

杜預曰周公遭管蔡之變東征為成王陳后稷先公不敢荒淫以成王業故言其周公東乎

歌秦曰

此之謂夏聲夫能夏則大大之至也其周之舊

乎

杜預曰秦仲始有車馬禮樂去戎狄之音而有諸夏之聲故謂之夏聲及襄公佐周平王東遷而受其故地故曰周

也

歌魏曰美哉泂泂乎大而婉儉而易行以

德輔此則盟主也

徐廣曰盟一作明駟案賈逵曰其志大直而有曲體歸中和中庸之德難

成而實易行故曰以德輔此則盟主也杜預曰惜其國小而無明君。索隱曰風音馮又音泛杜預曰中庸之聲婉約也

大而約則儉節易行左傳盟作明故徐廣亦云歌唐曰思

一作明此以聽聲知政言其明聽爾非盟會也深哉其有陶唐氏之遺風乎不然何憂之遠也

杜預曰晉本唐國故有堯之遺風憂深思遠情發於聲也非令德之後誰能若是

歌陳曰國無主其能久乎杜預曰淫聲放蕩無所畏忌故曰國無主自鄩

以下無譏焉服虔曰鄩以下及曹風也其國小無所刺譏歌小雅杜預曰小雅小正亦

樂歌曰美哉思而不貳杜預曰思文武之心也然而不言

王肅曰非不能言畏罪咎也其周德之衰乎杜預曰衰小也猶有先王之

遺民也杜預曰謂有邦王餘俗故未大歌大雅杜預曰大雅陳文王之德以正天下曰廣

哉熙熙乎杜預曰熙熙和樂聲曲而有直體杜預曰論其聲其文王之

德乎歌頌杜預曰頌者以其成功告於神明曰至矣哉賈逵曰言道備至也直而

不倨杜預曰倨傲也曲而不詘杜預曰詘撓也近而不偏杜預曰謙退也遠而

不攜杜預曰攜貳也遷而不淫服虔曰遷徙也文王徙豐武王居鄩杜預曰淫過蕩也復而

不厭

杜預曰常日新也

哀而不愁

杜預曰知命也

樂而不荒

杜預曰節之以

禮也

用而不匱

杜預曰德弘大

廣而不宣

杜預曰不自顯也

施而不費

杜預曰因民所利而利之

取而不貪

杜預曰義然後取

處而不底

杜預曰守之以道

行而不流

杜預曰制之以義

五聲和八風平

杜預曰宮商角徵羽謂之五聲

謂之八風

節有度守有序

杜預曰八音克諧節有度也無相奪倫守有序也

盛

德之所同也

杜預曰頌有那魯故曰盛德之所同

見舞象箛南籥者

曰象文王之樂武象也箛舞曲也南籥以箛舞也。索隱曰箛音朔又蘇彫反

曰美哉猶有憾

服虔曰憾恨也恨不及已以伐紂而致太平也。索隱曰憾或作感字省爾亦讀為憾又音胡暗反

見舞大

武

賈逵曰大武周公所作武王樂也

曰美哉周之盛也其若此乎見

舞韶護者

賈逵曰韶護船成湯樂大護也

曰聖人之弘也

賈逵曰弘大也猶

吳太伯世家

有慙德聖人之難也服虔曰慙於始伐而無見舞大

夏賈逵曰夏禹之樂大夏也曰美哉勤而不德服虔曰禹勤其身以治水土也非

禹其誰能及之見舞招箚服虔曰有虞氏之樂大韶也。索隱曰韶簫二字體

變曰德至矣哉大矣服虔曰至帝王之道極於韶也盡美盡善也如天之

無不壽也賈逵曰壽覆也如地之無不載也雖其盛德

無以加矣觀止矣若有他樂吾不敢觀服虔曰周用六代之

樂堯曰咸池黃帝曰雲門魯受四代下周二等故不舞其二季札知之故曰有他樂吾不敢請去魯遂使

齊說晏平仲曰子速納邑與政服虔曰入邑與政職於公不與國家

之事無邑無政乃免於難齊國之政將有所歸未

得所歸難未息也故晏子因陳桓子以納政與

邑是以免於欒高之難正義曰乃憚反在魯昭公八年欒施高彊二氏作難陳桓

子和之乃解也去齊使於鄭見子產如舊交謂子產曰鄭

之執政侈難將至矣政必及子子為政慎以禮

服虔曰禮所以經國家利社稷也不然鄭國將敗去鄭適衛說遽瑗

史狗史鮒公子荆公叔發公子朝曰衛多君子

子未有患也自衛如晉將舍於宿左傳曰將宿於戚。索隱曰按

太史公欲自為一家事雖出於左氏文則隨義而換既以舍字替宿遂以宿字替戚爾戚既是邑名理應不易今宜讀宿

為戚戚衛邑孫文子舊所食也聞鐘聲服虔曰孫文子鼓鐘作樂也曰異哉吾聞

之辯而不德必加於戮服虔曰辯若鬪辯也夫以辯爭不以德居之必加於刑戮也

夫子獲罪於君以在此賈逵曰夫子孫文子也懼猶

吳太伯世家

不足而又可以畔乎

索隱曰按春秋左氏傳曰而又何樂此畔字宜讀曰樂樂謂聞鐘聲

也畔非其義耳

夫子之在此猶燕之巢于幕也

王肅曰言至危也

君

在殯而可以樂乎

賈逵曰衛君獻公棺在殯未葬

遂去之文子聞

之終身不聽琴瑟

服虔曰聞義而改也琴瑟不聽況於鐘鼓乎

適晉說趙

文子

索隱曰名武

韓宣子

索隱曰名起。正義曰世本云名秦

魏獻子

索隱曰名舒

曰晉國其萃於三家乎

服虔曰言晉國之祚將集於三家

將去謂

叔向曰吾子勉之君侈而多良大夫皆富政將

在三家

杜預曰富必厚施故政在三家也

吾子直

服虔曰直不能曲撓以從衆

必思

自免於難季札之初使北過徐君徐君好季札

劔口弗敢言季札心知之為使上國未獻還至

徐徐君已死於是乃解其寶劍繫之徐君冢樹

而去

正義曰括地志云徐君廟在泗州徐城縣西南一里即延陵季子掛劍之徐君也

從者曰徐

君已死尚誰予乎季子曰不然始吾心已許之

豈以死倍吾心哉七年楚公子圍弒其王夾敖

而代立是為靈王

索隱曰春秋經襄二十五年吳子遏卒二十九年閻殺吳子餘祭昭十五

年吳子夷末卒是餘祭立四年餘昧在位十七年系家倒錯二王之年此七年正是餘昧之三年昭元年經曰冬十有一

月楚子麋卒左傳曰楚公子圍將聘于鄭未出竟聞王有疾而還入問王疾縊而弒之孫卿曰以冠纓絞之遂殺其二子

幕及平夏葬并王于郟謂之郟敖

十年楚靈王會諸侯而以伐吳之

朱方以誅齊慶封吳亦攻楚取三邑而去

左傳曰吳

伐楚入棘櫟麻以報朱方之役。索隱曰杜預註彼云皆楚東鄙邑也譙周云鬱縣東北有棘亭伐陰新蔡縣東北有櫟

吳太伯世家

亭按解者以麻即襄城縣故麻城是也

十一年楚伐吳至雩婁

服虔曰雩婁楚

之東邑。索隱曰昭五年左傳曰楚子伐吳使沈尹射待命於巢遂啓強待命雩婁今直言至雩婁略耳

十二

年楚復來伐次於乾谿

杜預曰乾谿在譙國城父縣南楚東境

楚師

敗走十七年王餘祭卒

索隱曰春秋襄二十九年經曰閻殺吳子餘祭左傳曰吳

人伐越獲俘焉以為閻使守舟吳子餘祭觀舟閻以刀殺之公羊傳曰近刑人則輕死之道也合在季札聘魯之前倒錯

於弟餘昧立王餘昧二年楚公子弃疾弒其君

靈王代立焉

索隱曰據春秋即餘昧十五年也昭十二年經曰夏四月楚公子比自晉歸于楚弒其君

虔于乾谿楚公子弃疾殺公子比左氏具載詞繁不錄公子比弃疾皆靈王弟也比即子干也靈王公子圍也即位後易

名為虔弃疾即位後易名熊居是為平王史記以平王遂有楚國故曰弃疾弒君春秋以子干為王故曰比弒其君彼此

各有義也四年王餘昧卒欲授弟季札季札讓逃去

於是吳人曰先王有命兄卒弟代立必致季子

季子今逃位則王餘昧後立今卒其子當代乃

立王餘昧之子僚為王索隱曰此文以為餘昧子王公羊傳以為壽夢庶子

僚二年公季光伐楚徐廣曰世本云夷昧生光吳越春秋曰王僚夷昧子與史記同敗

而亡王舟光懼襲楚復得王舟而還左傳曰舟名餘皇。索隱

曰計僚元年當昭十六年比二年公五年楚之亡臣伍

子胥來奔公季光客之索隱曰左傳昭二十年曰伍

杜預曰州于吳子僚也公子光曰是宗為戮而欲反其讎不可從也負曰彼將有他志余姑為之求士而鄙以待之乃見

鱗設諸馮而耕於鄙公子光者王諸樊之子也索隱

是謂以客禮接之常以為吾父兄弟四人當傳至

吳太伯世家

季子季子即不受國光父先立即不傳季子光

當立陰納賢士欲以襲王僚八年吳使公子光

伐楚敗楚師迎楚故太子建母於居巢以歸因

北伐敗陳蔡之師九年公子光伐楚拔居巢鍾

離服虔曰鍾離州來西邑也。索隱曰昭二十四年經曰冬吳滅巢左氏曰楚子為舟師以略吳疆沈尹戌曰此行也

楚必亡邑不抚民而勞之吳不動而速之吳人踵楚邊人不備遂滅巢及鍾離而還地理志居巢屬廬江鍾離屬江南應劭曰鍾離子之國也

初楚邊邑卑梁氏之處女與吳邊邑之

女爭桑索隱曰左氏无其事二女家怒相滅兩國邊邑長聞

之怒而相攻滅吳之邊邑吳王怒故遂伐楚取

兩都而去正義曰兩都即鍾離居巢伍子胥之初犇吳說吳王

僚以伐楚之利公子光曰胥之父兄為僂於楚

欲自報其仇耳未見其利於是伍員知光有他

志服虔曰欲取國乃求勇士專諸賈逵曰吳勇士。索隱曰專

傳曰諸堂邑人也。正義曰吳越春秋云專諸豐邑人伍子胥初亡楚如吳時遇之於途專諸方與人鬪甚不可當其妻

呼還子胥怪而問其狀專諸曰夫屈一人之下必申萬人之上胥因而相之雄貌深目侈口熊背知其勇士見之光

光喜乃客伍子胥子胥退而耕於野以待專諸

之事索隱曰依左氏即上五年公子光客之是也十二年

冬楚平王卒索隱曰昭二十六年春秋經書楚子居卒是也按十二諸侯年表及左傳合在僚十二年

十三年春吳欲因楚喪而伐之索隱曰據表及左氏僚止合有十二年事

並見昭二十七年左傳使公子蓋餘燭庸賈逵曰二公子皆吳王僚之弟。索隱曰春秋

吳太伯世家

作掩餘而史記並作蓋餘音同而字異者或謂太史公被腐

刑不欲言掩也賈逵及杜預并刺客傳皆云二公子王僚母

弟而昭二十三年左傳曰光帥右掩餘帥左杜註云掩餘吳

王壽夢子又系族譜亦云二公子並壽夢子若依公羊僚為

壽夢子則與以兵圍楚之六濶杜預曰濶在廬江六縣西南使季

札於晉以觀諸侯之變服虔曰察疆弱楚發兵絕吳兵

後吳兵不得還於是吳公子光曰此時不可失

也賈逵曰時言可殺王時也告專諸曰不索何獲服虔曰不索當何時得也我

真王嗣當立吾欲求之季子雖至不吾廢也王肅

曰聘晉專諸曰王僚可殺也母老子弱服虔曰母老子弱專諸託

還至也其母子於光也王肅曰專諸言王母老子弱也。索隱曰依

王肅解與史記同於理無失服虔杜預見左傳下文云我爾

身也以其子為卿遂強解是無若我何猶

言我無若是何語不近情過為迂回非也

而兩公子將

兵攻楚楚絕其路方今吳外困於楚而內空無

骨鯁之臣是無奈我何光曰我身子之身也服

曰言我身四月丙子光伏甲士於窟室杜預曰掘地

猶尔身也而謁王僚飲索隱曰謁

隱曰春秋經唯言夏四月左氏亦作請左氏索隱曰謁

云丙子當別有按據不知出何書王僚使兵陳於道自王宮至光之家門請也本或

作饗王階戶席皆王僚之親也人夾持鉞音披。索隱曰

鉞兩刃公子光詳為足疾入于窟室杜預曰恐難作

之也。索隱曰詳音陽為如字左氏曰光為足疾使專諸

詳即偽也或讀此為字音為非也豈詳偽重言邪置匕首於炙魚之中服虔曰全魚炙也。索隱曰劉氏

尺八寸通俗文云其頭類匕以進食手匕首刺王僚鉞

吳太伯世家

交於鈞賈逵曰交專諸鈞也遂弑王僚公子光竟立為王是

為吳王闔廬闔廬乃以專諸子為卿季子至

曰苟先君無廢祀民人無廢主社稷有奉乃吾

君也吾敢誰怨乎哀死事生以待天命服虔曰待其天命之

也非我生亂立者從之先人之道也杜預曰吳自諸樊已下兄

弟相傳而不立適是亂由先人起復命哭僚墓服虔曰復命於僚哭

其墓也。正義曰復音伏下同復位而待杜預曰復本位待光命吳公子燭庸

蓋餘二人將兵遇圍於楚者聞公子光弑王僚

自立乃以其兵降楚楚封之於舒索隱曰左氏昭二十七年曰掩

餘奔徐燭庸奔鍾吾三十年經曰吳滅徐徐徐子奔楚楚左傳曰吳子使徐人執掩餘使鍾吾人執燭庸二公子奔楚楚子大

封而定其徙無封舒之事當
是舒徐字亂又且踈略也 王闔廬元年舉伍子胥

為行人而與謀國事楚誅伯州犂其孫伯嚭云

奔吳
徐廣曰伯嚭州犂孫也史記與吳越春秋同嚭音披美反 吳以為大夫三年

吳王闔廬與子胥伯嚭將兵伐楚拔舒殺吳云

將二公子光謀欲入郢將軍孫武曰民勞未可

待之
索隱曰左傳此年有子胥對目無孫武事也 四年伐楚取六與瀟五

年伐越敗之六年楚使子常囊瓦伐吳
正義曰左傳云楚囊

瓦為令尹杜預
云囊之孫子常 迎而擊之大敗楚軍於豫章取楚

之居巢而還
索隱曰在左傳定一一年當為闔廬七年 九年吳王闔廬謂

伍子胥孫武曰始子之言郢未可入今果如何

吳太伯世家

索隱曰言今欲果一子對曰楚將子常負而唐蔡皆敢伐楚可否也

怨之王必欲大伐必得唐蔡乃可闔廬從之悉

興師與唐蔡西伐楚索隱曰定四年經蔡侯以吳子及楚人戰于柏舉楚師敗績吳入郢

是也至於漢水楚亦發兵拒吳夾水陳正義音陣吳王

闔廬弟夫既正義音右代反欲戰闔廬弗許夫既曰王

已屬臣兵兵以利為上尚何待焉遂以其部五

千人龍衣冒楚楚兵大敗走於是吳王遂縱兵追

之比至郢五戰楚五敗楚昭王亡出郢奔鄭服

曰鄭鄭公弟正義曰左傳云鄭公辛之弟懷也欲弒昭王昭王與鄭

公奔隨服虔曰隨楚與國也而吳兵遂入郢子胥伯嚭鞭平

王之尸以報父讎索隱曰左氏無此事十年春越聞吳王之

在郢國空乃伐吳吳使別兵擊越楚告急秦秦

遣兵救楚擊吳吳師敗闔廬弟夫既奔秦越交

敗吳吳王留楚不去夫既云歸吳而自立為吳

王闔廬聞之乃引兵歸攻夫既夫既敗奔楚楚

昭王乃得以九月復入郢而封夫既於堂谿為

堂谿氏司馬彪曰女南吳房有堂谿亭。正義曰括地志云豫州吳房縣在州西北九十里應劭云吳王闔

閭弟夫既奔楚楚封之於堂谿氏十一年吳王使太子夫

差伐楚取番楚恐而去郢徙都服虔曰都楚邑。索隱曰定六年左傳四

月巳丑吳太子終纍敗楚舟師杜預曰闔廬子夫差兄此以為夫差當謂名異而一人耳左傳又曰獲潘子臣小惟子及

吳太伯世家

大夫七人楚於是乎遷郢於都此言番
番音潘楚邑名子臣即其邑之大夫也
十五年孔子相

魯索隱曰定十年左傳曰夏八公奮齊侯于祝其實夾谷孔丘相犁彌言於齊侯曰孔丘知禮而無勇是也杜預以為相

會儀也而史遷孔子系家云攝行相事按左氏孔丘以公退曰士兵之又使茲無還揖對蓋是攝國相也十九

年夏吳伐越越王句踐迎擊之攜李賈逵曰攜李越地杜預曰

吳郡嘉興縣南有醉李城也攜音醉越使死士挑戰徐廣曰一作亶越世家亦然或者以為人

名氏乎駟案賈逵曰死士死罪人也鄭眾曰死士欲以死報恩者也杜預曰敢死之士也。正義曰挑音田鳥反三

行造吳師呼自剄左傳曰使罪人三行屬劔於頸。正義曰行故郎反造千到反呼火故反

剄堅吳師觀之越因伐吳敗之姑蘇越絕書曰闔廬起姑蘇臺

三年聚材五年乃成高見三百里。傷吳王闔廬指軍

索隱曰姑蘇臺名在吳縣西三十里却七里吳王病傷而死索隱曰左傳云定十四年越子大敗之靈姑浮以戈擊闔

廬闔廬傷將指還卒於涇去樵李七里此云擊之樵李又云
敗之姑蘇自為乖異杜預註樵李在嘉興縣南靈姑浮越大

也夫闔廬使立太子夫差謂曰爾而忘句踐殺汝

父乎對曰不敢三年乃報越越絕書曰闔廬家在吳縣昌門外名曰虎丘下

池廣六十步水深一丈五尺桐棺三重頤池六尺玉鳧之流
扁諸之劍三千方負之口三千槃郢魚腸之劍在焉卒十餘

萬人治之取土臨湖葬之三日白虎居其上故號曰虎丘。
索隱曰此以為闔廬謂夫差夫差對闔廬若左氏傳則云對

曰者夫差對所使之人也王夫差元年越絕書曰太伯
頤音胡貢反以水銀為池到夫差二十六

代且千歲。索隱曰按太伯至壽夢
十九代諸樊已下六王唯二十五年以大夫伯嚭為太

宰索隱曰左傳定四年伯嚭為太宰當闔廬九年非夫差代也習戰射常以報越為

志二年吳王采精兵以伐越敗之夫椒賈逵曰夫
椒越地杜

預曰太湖中椒山也。索隱曰賈逵云越地蓋近得之然其
地闕不知所在杜預以為太湖中椒山非戰所夫椒與椒山

吳太伯世家

不得為一且夫差以報越為志又伐越當至越地何報姑
乃不離吳境近在太湖中又按越語云敗五湖也

蘇也越王句踐乃以甲兵五千人棲於會稽賈

曰會稽山名。索隱曰鳥所止宿曰棲越為吳使大夫種

因吳太宰嚭而行成服虔曰行成求成也。索隱曰大

姓文而劉氏云姓大夫非也。正義曰國語云請委國為

臣妾吳王將許之伍子胥諫曰昔有過氏殺斟

灌以伐斟尋賈逵曰過國名也斟灌斟尋夏同姓也夏后

過音戈寒泥之子澆所封國也荷姓國晉地道記曰東萊掖

縣有過鄉北有過城是古之過國者也斟灌斟尋夏同姓賈

氏據系本而知也按地理志北海壽光縣應劭曰古斟灌禹
後今灌亭是也又平壽縣云故斟尋禹後今斟城是也斟與
斟滅夏后帝相服虔曰夏后帝相之妃后緡方娠

賈逵曰緡有仍之姓也杜預曰娠懷身也逃於有仍賈逵曰有仍國名后緡之家而生少

康服虔曰后緡遺腹子少康為有仍牧正王肅曰牧正牧官之長也有過又

欲殺少康少康奔有虞賈逵曰有虞帝舜之後杜預曰梁國虞縣有虞

思夏德於是妻之以二女而邑之於綸賈逵曰綸虞邑有

田一成有衆一旅賈逵曰方十里為成五百人為旅後遂收夏衆撫

其官職服虔曰因此基業稍收取夏遺民餘衆撫修夏之故官憲典使人誘之遂滅

有過氏索隱曰傳云使汝艾誅澆季杼誘殄遂滅過氏杜預曰誅候也復禹之績祀夏

配天服虔曰以鮌配天也不失舊物賈逵曰物職也杜預曰物事也今吳不如

有過之彊而句踐大於少康今不因此而滅之

又將寬之不亦難乎且句踐為人能辛苦今不

吳太伯世家

滅後必悔之吳王不聽聽太宰嚭卒許越平與
盟而罷兵去七年吳王夫差聞齊景公死而大
臣爭寵新君弱乃興師北伐齊子胥諫曰越王
句踐食不重味衣不重采弔死問疾且欲有所
用其眾此人不死必為吳患今越在腹心疾而
王不先而務齊不亦謬乎吳王不聽遂北伐齊

敗齊師於艾陵

杜預曰艾陵齊地。索隱曰此之七年魯哀公六年也左氏此年無伐齊事哀

十一年有敗齊師于艾陵

至繒

杜預曰琅邪繒縣

召魯哀公而徵百牢季

康子使子貢以周禮說太宰嚭乃得止

賈逵曰周禮王合諸

侯享禮十有二牢上公九牢侯伯七牢子男五牢。索隱曰事在哀七年當夫差八年不應上連七年按左傳曰子服景

伯對不聽乃與之非謂季康子使子貢說得不因留略地

於齊魯之南九年為騶伐魯吳王與魯盟乃去索隱

騶縣是也騶知聲相近自亂耳騶宜音邾十年因伐齊

而歸十一年復北伐齊越王句踐率其眾以朝

吳厚獻遺之吳王喜唯子胥懼曰是棄吳也索隱

曰左氏作養諫曰越在腹心今得志於齊猶石田

無所用王肅曰石田不可耕且盤庚之誥有顛越勿遺服虔曰顛

顛也越墜也顛越無道則割絕無遺也。索隱曰左傳曰其

顛越不共則崩殄無遺育無俾易種于茲邑是商所以興也

今君易之此即商之以興徐廣曰一本作盤庚之誥有顛

有顛越吳王不聽使子胥於齊子胥屬其子於齊

吳太伯世家

鮑氏

服虔曰鮑氏齊大夫。索隱曰左傳直云使於齊杜預云私使人至齊國屬其子按左氏又曰反役王聞

之明非子胥自使也

還報吳王吳王聞之大怒賜子胥屬鏹

之劍以死

服虔曰屬鏹劍名賜使自刎。索隱曰劍名將見越絕書。正義曰屬音燭鏹音力于反

將

死曰樹吾墓上以梓令可為器

索隱曰傳云樹吾墓檟檟可材也吳其二

乎梓檟相類因變文爾

抉吾眼置之吳東門以觀越之滅吳

也

索隱曰抉烏穴反此國語文彼以抉為辟又云以手抉之王温曰孤不使大夫得有見乃盛以鴟夷投之江也。正

義曰吳俗傳云子胥亡後越從松江北開渠至橫山東北築城伐吳子胥乃與越軍夢令從東南入破吳越王即移向三

江口岸立壇殺白馬祭子胥杯動酒盡越乃開渠子胥作濤盪羅城東開入滅吳至今猶號曰示浦門曰鱒鮒是從東門

入滅吳也

齊鮑氏弑齊悼公吳王聞之哭於軍門外

三日

服虔曰諸侯相臨之禮。索隱曰公名陽生左傳哀十年曰吳伐齊南鄙齊人殺悼公不言鮑氏又鮑叔以哀

八年為悼公所殺今言鮑氏蓋其宗黨爾且此伐在艾陵戰之前年今記於後亦為顛倒錯亂也

乃從海

上徐廣曰攻齊齊人敗吳吳王乃引兵歸十三年

吳乃召魯曾衛之君會於橐臯

服虔曰橐臯地名也杜預曰在淮南遂迺縣東南

索隱曰哀十二年左傳曰公會吳于橐臯衛侯會吳于鄆此并言會衛橐臯者按左傳吳徵會于衛初衛殺吳行人懼謀

於子羽子羽曰不如止也子木曰往也衛侯本不欲赴會故魯以夏會衛及秋乃會之爾所以太史公言其召魯曾衛會於

橐臯也鄆發陽也廣陵海陵縣東南有發繇口橐臯縣名在壽春橐音吐各反臯音姑遂音七巡反迺音才猷反十

四年春吳王北會諸侯於黃池

杜預曰陳留封丘縣南有黃亭近濟水

欲霸中國以全周室六月戊子越王句踐伐

吳乙酉越五千人與吳戰丙戌虜吳太子友丁

亥入吳吳人告敗於王夫差夫差惡其聞也

賈逵

曰惡其聞諸侯

或泄其語吳王怒斬七人於幕下

服虔曰以絕口

月辛丑吳王與晉定公爭長吳王曰於周室我

為長

杜預曰吳為大伯後故為長

晉定公曰於姬姓我為伯

杜預

曰為侯伯

趙鞅怒將伐吳乃長晉定公

徐廣曰黃池之盟吳先軟晉次之與

外傳同駟案賈逵曰外傳曰吳先軟晉亞之先叙晉晉有信又所以外吳。索隱曰此依左傳文按左傳趙鞅呼司馬寅

曰日旰矣大事未成二臣之罪也建鼓整列二臣死之長幼必可知也是趙鞅怒司馬寅對曰請姑視之反曰肉食者無

墨今吳王有墨國其勝乎杜預曰墨氣色下也國為敵所勝也又曰太子死乎且夷德輕不忍以請少待之乃先晉人是

也徐賈所云據國語不與左傳合非也左氏魯襄之代晉楚為會先書晉晉有信耳外傳即國語也書有二名也外吳者

吳夷賤之不許同中國故言外

吳王已盟與晉別欲伐宋大宰嚭

曰可勝而不能居也乃引兵歸國國亡太子內

空王居外以士皆罷敝於是乃使厚幣以與越

平十五年齊田常殺簡公十八年越益彊越王

句踐率兵使伐敗吳師於笠澤楚滅陳二十年

越王句踐復伐吳索隱曰哀十九年左氏曰越人侵楚以誤吳也杜預曰誤吳使不為備也

無伐吳事也二十一年遂圍吳二十三年十一月丁卯

越敗吳越王句踐欲遷吳王夫差於甬東賈逵曰甬

東越東甬甬江東也韋昭曰勾章東海口外州也。索隱曰國語曰甬勾東越地會稽勾章縣東海中州也按今鄞縣即

是其處予自家居之吳王曰孤老矣不能事君王

也吾悔不用子胥之言自令陷此遂自剄死絕越

書曰夫差冢在猶亭西甲猶之位越王候干戈人一塚土以葬之近太湖去縣五十七里。索隱曰左傳云乃縊越人以

吳太伯世家

歸猶亭亭名卑猶位三字共為地名吳地記曰徐枕山一名卑猶山是也累音路禾反小竹籠以盛土也越王

滅吳誅太宰嚭以為不忠而歸

太史公曰孔子言太伯可謂至德矣三以天下

讓民無得而稱焉王肅曰太伯弟季歷賢又生聖子昌昌必有天下故太伯以天下三讓於

王季其讓隱故無得而稱言之者所以為至德也余讀春秋古文乃知中國

之虞與荆蠻勾吳兄弟也延陵季子之仁心慕

義無窮見微而知清濁嗚呼又何其閎覽博物

君子也皇覽曰延陵季子家在毗陵縣暨陽鄉至今吏民皆祀事

索隱述贊曰

太伯作吳

高讓雄圖

周章受國

別封於虞

壽夢初霸

始用兵車

三子迺立

延陵不居

光既篡位

是稱闔閭

王僚見殺

賊由專諸

夫差輕越

取敗姑蘇

甬東之恥

空慙伍胥

史參阡捌伯單柒字

註捌阡零柒拾陸字

吳太伯世家第一

史記三十一

吳太伯世家

齊太公世家第二

史記三十二

正義曰括地志云天齊池在青州臨淄縣東南十五里封禪書云齊之所以為齊者以天齊

太公望呂尚者東海上人

呂氏春秋曰東夷之士。索隱曰譙周曰姓姜名牙

炎帝之裔伯夷之後掌四岳有功封之於呂子孫從其封姓呂尚其後也按後文王得之渭濱云吾先君太公望子久矣

故號太公望蓋牙是字尚是其名後武王號為師尚父則尚父官名其先祖嘗為四嶽佐

禹平水土甚有功虞夏之際封於呂

徐廣曰呂在南陽宛縣西

或封於申姓姜氏

索隱曰地理志申在南陽宛縣申伯之國呂亦在宛縣之西也

夏

商之時申呂或封枝庶子孫或為庶人尚其後

苗裔也本姓姜氏從其封姓故曰呂尚呂尚蓋

嘗窮困年老矣

索隱曰譙周曰呂望常屠牛於朝歌賣飯於孟津

以漁釣奸

周西伯

正義曰奸音干括地志云茲泉水源出岐州岐山縣西南凡谷呂氏春秋云太公釣於茲泉遇文王

之凡谷有石壁深高幽邃人跡罕及東南隅有石室蓋太公

所居水次盤石釣處即太公垂釣之所其投竿跪餌兩膝遺

跡猶存是磻溪之稱也其水清冷神異北流十二里注于渭

說苑云呂望年七十釣于渭者三日二夜魚無食者望即忿

脫其衣冠上有農人者古之異人謂望曰子姑復釣必細其

綸芳其餌徐徐而投無令魚駭望如其言初下得鮒

次得鯉刺魚腹得書書文曰呂望封於齊望知其異

將出獵卜之曰所獲非龍非麇

徐廣曰勅知反。索隱曰餘本亦作

齊太公世家

字螭遇太公於渭之陽與語大說曰自吾先君太公

曰當有聖人適周周以興子真是邪吾太公望

子久矣故號之曰太公望載與俱歸立為師或

曰太公博聞嘗事紂紂無道去之游說諸侯無
所遇而卒西歸周西伯或曰呂尚處士隱海濱
周西伯拘姜里散宜生閔夭素知而招呂尚呂
尚亦曰吾聞西伯賢又善養老盍往焉二人者
爲西伯求美女竒物獻之於紂以贖西伯西伯
得以出反國言呂尚所以事周雖異然要之爲
文武師周西伯昌之脫姜里歸與呂尚陰謀脩
德以傾商政其事多兵權與竒計

正義曰六韜云
武王問太公曰

律之音聲可以知二軍之消息乎太公曰深哉王之問也夫
律管十二其要有五宮商角徵羽此其正聲也萬代不易五
行之神道之常也可以知敵金木水火土各以其勝攻之其
法以天清靜無陰雲風雨夜半遣輕騎往至敵人之壘九伯

步偏持律管橫耳大呼驚之有聲應管其來甚微角管齊應
當以白虎徵管聲應當以玄武商管聲應當以勾陳五管盡
不應無有商聲當以青龍此五行之府佐勝之徵陰敗之機也故後世之言兵及周

之陰權皆宗太公為本謀周西伯政平及斷虞

芮之訟而詩人稱西伯受命曰文王伐崇密須

犬夷索隱曰郡國志密須在東郡廩丘縣北今曰碩城密須姑姓在河南密縣東故密城是也與安定姬姓密

國各不同大作豐邑天下三分其二歸周者太公之

謀計居多文王崩武王即位九年欲脩文王業

東伐以觀諸侯集否師行師尚父劉向別錄曰師尚父之父之故

左杖黃鉞右把白旄以誓曰蒼兕

蒼兕曰師尚父父亦男子之美號也索隱曰本或作蒼雉按馬融曰蒼兕主舟楫官名又王充云蒼兕水獸九頭合誓眾令急濟故言蒼兕以

齊太公世家

懼之然此文上下並今文大誓

摠爾眾庶與爾舟楫後至者斬遂

至盟津諸侯不期而會者八百諸侯諸侯皆曰

紂可伐也武王曰未可還師與太公作此大誓

居二年紂殺王子比干囚箕子武王將伐紂卜

龜兆不吉風雨暴至羣公盡懼唯太公彊之勸

武王武王於是遂行十一年徐廣曰一作三年正月甲子

誓於牧野伐商紂紂師敗績紂反走登鹿臺遂

追斬紂明日武王立于社羣公奉明水索隱曰周本紀毛叔

鄭奉明水也衛康叔封布采席索隱曰周本紀衛康叔封布

師尚父牽牲史佚策祝以告神討紂之罪散鹿

臺之錢發鉅橋之粟以振貧民封比干墓釋箕
子囚遷九鼎脩周政與天下更始師尚父謀居
多於是武王已平商而王天下封師尚父於齊
營丘正義曰括地志云營丘在青州臨淄北百步外城中東就國道宿行遲逆
旅之人曰吾聞時難得而易失客寢甚安殆非
就國者也太公聞之夜衣而行犁明至國索隱曰犁里奚
反犁猶比也又犁猶遲也萊侯來伐與之爭營丘營丘邊萊萊
人夷也會紂之亂而周初定未能集遠方是以
與太公爭國太公至國脩政因其俗簡其禮通
商工之業便魚鹽之利而人民多歸齊齊為大

國及周成王少時管蔡作亂淮夷

正義曰孔安國云淮浦之夷徐

州之戎

畔周乃使召康公

服虔曰召公奭

命太公曰東至海

西至河南至穆陵北至無棣

服虔曰是皆太公始受封土地疆境所至也

索隱曰舊說云穆陵在會稽非也按今淮南有故穆陵門是楚之境無棣在遼西孤竹服虔以為太公受封境界所至不

然也蓋言其征伐所至之域

五侯九伯實得征之

杜預曰五等諸侯九州之伯皆

得征討其罪

齊由此得征伐為大國都營丘蓋太公之

卒百有餘年

禮記曰太公封於營丘比及五世皆反葬於周鄭玄曰太公受封留為太師死葬於周五

世之後乃葬齊皇覽曰呂尚冢在臨菑縣城南去縣十里

子丁公呂伋

徐廣曰一作及正義曰謚法

述義不克曰丁

立丁公卒子乙公得立乙公卒子癸公慈

母立

索隱曰系本作祭公慈母譙周亦曰祭公慈心也

癸公卒子哀公不辰

立索隱曰系本作不臣譙周亦作不辰宋秉曰哀公荒淫田遊史作還詩以刺之也哀公時紀侯

譖之周周身哀公徐廣曰周夷王而立其弟靜是為胡公

正義曰謚法彌年壽考曰胡胡公徙都薄姑正義曰括地志云薄姑城在青州博昌縣東北

六十而當周夷王之時哀公之同母少弟山怨

胡公乃與其黨率營丘人襲攻殺胡公而自立

是為獻公索隱曰宋衷云其黨周馬繻人將獻公元年

盡逐胡公子因徙薄姑都治臨菑九年獻公卒

子武公壽立武公九年周厲王出奔居彘正義曰直

厲反括地志云晉州霍邑縣也鄭玄云霍山在彘本秦時霍伯國十年王室亂大臣行

政號曰共和二十四年周宣王初立二十六年

齊太公世家

武公卒子厲公無忌立厲公暴虐故胡公子復入齊齊人欲立之乃與攻殺厲公胡公子亦戰死齊人乃立厲公子赤為君是為文公而誅殺厲公者七十人文公十二年卒子成公脫立索隱曰劉氏

曰系本及譙周皆作說字成公九年卒子莊公購立索隱曰劉氏音神欲反系

家及系本並作贖又上成公脫年表作說也莊公二十四年大戎殺幽王

周東徙維秦始列為諸侯五十六年晉弑其君

昭侯六十四年莊公卒子釐公祿甫立釐公九

年魯隱公初立十九年魯桓公弑其兄隱公而

自立為君二十五年北戎伐齊鄭使太子忽來

救齊齊欲妻之忽曰鄭小齊大非我敵遂辭之
三十二年釐公同母弟夷仲年死其子曰公孫
無知釐公愛之令其秩服奉養比太子三十三
年釐公卒太子諸兒立是爲襄公襄公元年始
爲太子時嘗與無知鬪及立絀無知秩服無知
怨四年魯相公與夫人如齊齊襄公故嘗私通
魯夫人魯夫人者襄公女弟也自釐公時嫁爲
魯相公婦及相公來而襄公復通焉魯相公知
之怒夫人夫人以告齊襄公齊襄公與魯君飲
醉之使力士彭生抱上魯君車因拉殺魯相公

公羊傳曰擗幹而殺之何休曰擗折聲也。正義曰拉音力合反。相公下車則死矣曾

人以為讓索隱曰讓猶責也而齊襄公殺彭生以謝曾八

年伐紀紀遷去其邑徐廣曰年表云去其都邑。索隱曰春秋莊四年紀侯大去其國左

氏云違齊難也十二年初襄公使連稱管至父戌葵丘賈

曰連稱管至父皆齊大夫。索隱曰杜預云臨淄西有地名葵丘又下三十五年會諸侯於葵丘當魯僖公九年杜預曰

陳留外黃縣東有葵丘不同者蓋葵丘有兩處杜意以戌葵丘當不遠出齊境故引臨淄縣西之葵丘若三十五年會諸

侯於葵丘杜又以不合在本國故引外黃東葵丘為註所以不同也瓜時而往及瓜而代

服虔曰瓜時七月及瓜謂後年瓜時往戍一歲卒瓜時而公弗為發代

或為請代公弗許故此二人怒因公孫無知謀

作亂連稱有從妹在公宮無寵服虔曰為妾在宮也使之

間襄公

王肅曰候公之間隙

曰事成以女為無知夫人冬十

二月襄公游姑棼

賈逵曰齊地也。正義音扶云反。

遂獵沛丘

杜預

曰樂安博昌縣南有地名貝丘。正義曰左傳云齊襄公田于貝丘墜車傷足即此也。

見彘從者曰

彭生

服虔曰公見彘從者乃見彭生鬼改形為豕也。

公怒射之彘人立而啼

公懼墜車傷足失屨反而鞭主屨者弗三百弗

正義曰非佛反下同弗主履者也。

出宮而無知連稱管至父等間公

傷乃遂率其眾襲宮逢主屨弗弗曰且無入驚

宮驚宮未易入也無知弗信弗示之創

正義音瘡

乃

信之待宮外令弗先入弗先入即匿襄公戶間

良久無知等恐遂入宮弗反與宮中及公之幸

臣攻無知等不勝皆死無知入宮求公不得或見人足於戶間發視乃襄公遂弑之而無知自立為齊君桓公元年春齊君無知游於雍林賈

曰渠丘大夫也。索隱曰本亦作雍廩左傳曰雍廩殺無知杜預曰雍廩齊大夫此云游雍林雍林人嘗有怨無知遂襲殺之蓋以雍林為邑名其地有人殺無知賈言渠丘大夫者蓋雍林為渠丘大夫也雍林人嘗有

怨無知及其往游雍林人襲殺無知告齊大夫曰無知弑襄公自立臣謹行誅唯大夫更立公子之當立者唯命是聽初襄公之醉殺魯桓公通其夫人殺誅數不當淫於婦人數欺大臣羣弟恐禍及故次弟糾奔魯其母魯女也管仲召

忽傳之次弟小白奔莒鮑叔傳之小白母衛女

也有寵於釐公尔白自少好善大夫高傒賈逵曰齊

正卿高敬仲也
正義傒音奚

及雍林人殺無知議立君高國先

陰召小白於莒魯聞無知死亦發兵送公子糾

而使管仲別將兵遮莒道射中小白帶鉤小白

佯死管仲使人馳報魯魯送糾者行益遲伐魯

至齊則小白已入高傒立之是為桓公桓公之

中鉤佯死以誤管仲已而載温車中馳行亦有

高國內應故得先入立發兵距魯秋與魯戰于

乾時杜預曰乾時齊地也時水在樂安界歧流旱則涸竭故曰乾時魯兵敗走齊兵

齊太公世家

掩絕魯歸道齊遺魯書曰子糾兄弟弗忍誅請

魯自殺之召忽心管仲讎也請得而甘心醢之不

然將圍魯魯人患之遂殺子糾于笙瀆賈逵曰魯地句瀆也

。索隱曰按鄒誕生本作莘瀆莘笙聲相近笙如字瀆音豆論語作溝瀆蓋後代聲轉而字異故諸文不同也召忽

自殺管仲請囚桓公之立發兵攻魯心欲殺管

仲鮑叔牙曰臣幸得從君君竟以立君之尊臣

無以增君君將治齊即高偃與叔牙足也君且

欲霸王非管夷吾不可夷吾所居國國重不可

失也於是桓公從之乃詳為召管仲欲甘心實

欲用之管仲知之故請往鮑叔牙迎受管仲及

堂阜而脫桎梏

賈逵曰堂阜魯北境杜預曰堂阜齊地東莞蒙陰縣西北有夷吾亭或曰鮑叔

解夷吾縛於此因以為名也

齊袞祓而見栢公栢公厚禮以為大

夫任政栢公既得管仲與鮑叔隰朋

徐廣曰或作崩也

高

後脩齊國政連五家之兵

國語曰管子制國五家為軌十軌為里四里為連十

連為卿以為軍令

設輕重魚鹽之利

索隱曰管子有理人輕重之法七篇輕重錢也又有

捕魚煮鹽法

以贍貧窮祿賢能齊人皆說二年伐滅邾

徐廣曰一作譚。索隱曰春秋魯莊十年齊師滅譚是也杜預云譚國在濟南平陵縣西南然此邾乃東海邾縣蓋亦不

當作譚字也

邾子奔莒初栢公云時過邾邾無禮故伐

之五年伐魯魯將師敗魯具壯公請獻遂邑以平

杜預曰遂在濟北蛇丘縣東北

栢公許與魯會柯而盟

杜預曰此柯今濟北東阿

齊太公世家

齊之阿邑猶祝柯今為祝阿魯將盟曹沫以匕首劫栢公於壇

上何休曰土基三尺階三等曰壇會必有壇者為升降揖讓稱先君以相接也曰反魯之侵地

栢公許之已而曹沫去匕首北面就臣位栢公

後悔欲無與魯地而殺曹沫管仲曰夫劫許之

而倍信殺之徐廣曰一云已許之而背信殺劫也愈一小快耳而棄信

於諸侯失天下之援不可於是遂與曹沫三敗

所亡地於魯諸侯聞之皆信齊而欲附焉七年

諸侯會栢公於甄杜預曰甄衛地今東郡甄城也而栢公於是始

霸焉十四年陳厲公子完正義音栢號敬仲來奔齊

齊栢公欲以為卿讓於是以為工正賈逵曰掌百工田成

子常之祖也二十三年山戎伐燕服虔曰山戎北狄蓋今鮮卑也何休

曰山戎者戎中之別名也燕告急於齊齊相公救燕遂伐山戎

至于孤竹而還燕莊公遂送相公入齊境相公

曰非天子諸侯相送不出境吾不可以無禮於

燕於是分溝割燕君所至與燕命燕君復脩召

公之政納貢于周如成康之時諸侯聞之皆從

齊二十七年魯潛公母曰哀姜相公女弟也哀

姜淫於魯公季慶父慶父弑潛公哀姜欲立慶

父魯人更立釐公徐廣曰史記僖字皆作釐相公召哀姜殺之

二十八年衛文公有狄亂告急於齊齊率諸侯

齊太公世家

城楚丘而立衛君賈逵曰衛地也。索隱曰杜預曰不言城衛衛未遷楚丘武城縣南即今

之衛南縣是也二十九年桓公與夫人蔡姬戲舫中蔡姬

習水蕩公賈逵曰蕩搖也公懼止之不止出船怒歸蔡姬

弗絕蔡亦怒嫁其女桓公聞而怒興師往伐三

十年春齊桓公率諸侯伐蔡蔡潰服虔曰民逃其上曰潰也遂

伐楚楚成王興師問曰何故涉吾地管仲對曰

昔召康公命我先君太公曰五侯九伯若實征

之以夾輔周室左傳曰周公太公股肱周室夾輔成王也賜我先君履杜預

曰所踐履之界東至海西至河南至穆陵北至無棣楚貢

包茅不入王祭不共賈逵曰包茅菁茅包輒之也以供祭祀杜預曰尚書包匭菁茅茅之

為異未審是以來責昭王南征不復是以來問服虔曰周昭王

南巡狩跋漢未濟船解而溺昭王王室諱之不以赴諸侯不知其故故相公以為辭責問楚也。索隱曰宋秉云昭王南

伐楚辛由靡為右涉漢中流而隕由靡逐王遂卒不復周乃俟其後于西翟楚王曰貢之不

入有之寡人罪也敢不共乎昭王之出不復君

其問之水濱杜預曰昭王時漢非楚境故不受罪齊師進次于陘杜預曰陘

楚地潁川召陵縣南有陘亭左傳曰凡師一宿為舍再宿為信過信為次夏楚王使屈完將

兵扞齊齊師退次召陵杜預曰召陵潁川縣桓公矜屈完以

其衆屈完曰君以道則可若不則楚方城以為

城服虔曰方城山在漢南韋昭曰方城楚北之阨塞杜預曰方城山在南陽葉縣南是也。索隱曰地理志葉縣南有

長城號曰方城則杜預韋昭說為得而服氏云在漢南未知有何依據江漢以為溝君安

齊太公世家

能進乎乃與屈完盟而去過陳陳袁濤塗詐齊

令出東方覺秋齊伐陳

左傳曰討不忠也

是歲晉殺太子

申生三十五年夏會諸侯于葵丘

杜預曰陳留外黃縣東有葵丘

也周襄王使宰孔賜栢公文武胙彤弓矢大路

賈逵曰大路諸侯朝服之車謂之金路

命無拜栢公欲許之管仲曰不

可乃下拜受賜

韋昭曰下堂拜賜也

秋復會諸侯於葵丘益

有驕色周使宰孔會諸侯頗有叛者

公羊傳曰葵丘之會桓公

震而矜之叛者九國

晉侯病後遇宰孔宰孔曰齊侯驕矣弟

無行從之是歲晉獻公卒里克殺奚齊卓子

徐廣

曰史記卓多作悼正義曰卓丑角反

秦穆公以夫人入八公子夷吾為

晉君栢公於是討晉亂至高梁

服虔曰晉地也杜預曰在平陽縣西

南使隰朋立晉君還是時周室微唯齊楚秦晉

為彊晉初與會

正義曰與音預下同

獻公死國內亂秦穆公

辟遠不與中國會盟楚成王初收荆蠻有之夷

狄自置唯獨齊為中國會盟而栢公能宣其德

故諸侯賓會於是栢公稱曰寡人南伐至召陵

望熊山北伐山戎離枝孤竹

地理志曰今支縣有孤竹城疑離枝即令支也

今離聲相近應劭曰今音鈴鈴離聲亦相近管子亦作離字

索隱曰離枝音零支又音令祗又如字離枝孤竹皆古國名秦以離支為縣故地理志云遼西令支縣有孤竹城爾雅曰孤竹北戶西王母曰下謂之西荒也

西伐大

夏涉流沙

正義曰大夏并州晉陽是也

東馬縣車登太行至卑

齊太公世家

耳山

正義曰卑音壁劉伯莊及韋昭並如字

而還諸侯莫違寡人寡人

兵車之會三

正義曰左傳云魯莊十三年會北杏以平宋亂僖四年侵蔡遂伐楚六年伐鄭圍新城也

乘車之會六

正義曰左傳云魯莊十四年會于鄆十五年又會鄆十六年同盟于幽僖五年會首止八年盟于洮九年會葵丘是也

年盟于洮九年會葵丘是也

九合諸侯一匡天下

正義曰匡正也一匡天下謂定襄王

為太子之位也

昔三代受命有何以異於此乎吾欲封泰

山禪梁父管仲固諫不聽乃說桓公以遠方珍

怪物至乃得封桓公乃止三十八年周襄王弟

帶與戎翟合謀伐周齊使管仲平戎於周周欲

以上卿禮管仲頓首曰臣倍臣安敢三讓

乃受下卿禮以見三十九年周襄王弟帶來奔

齊齊使仲孫請王為帶謝襄王怒弗聽四十一

年秦穆公虜晉惠公復歸之是歲管仲隰朋皆

卒正義曰括地志云管仲冢在青州臨淄縣南二十一里牛山上與桓公冢連隰朋墓在青州臨淄縣東北七里也

管仲病桓公問曰羣臣誰可相者管仲曰知臣

莫如君公曰易牙如何正義曰即雍巫也賈逵云雍巫雍人名巫易牙也對

曰殺子以適君非人情不可公曰開方如何正義曰管子云衛公子開方去其千乘之太子而臣事君也

對曰倍親以適君非人

情難近公曰豎刁如何正義曰刀鳥條反顏師古云豎刁易牙皆齊桓公臣管仲

有病桓公往問之曰將何以教寡人管仲曰願君遠易牙豎

刁公曰易牙烹其子以快寡人尚可疑耶對曰人之情非不愛其子也其子之忍又將何愛於君公曰豎刁自宮以近寡人猶尚疑耶對曰人之情非不愛其身也其身之忍又將何

有於君公曰諾管仲遂蓋逐之而公食不甘心不怡者三年
公曰仲父不已過乎於是皆即召反明年公有病易牙豎刀
相與作亂塞宮門築高牆不通人有一婦人踰垣入至公所
公曰我欲食婦人曰吾無所得又曰我欲飲婦人曰吾無所
得公曰何故曰易牙豎刀相與作亂塞宮門築高牆不通人
故無所得公慨然歎涕出曰嗟乎聖人所見豈不遠哉若死
者有知我將何面目見仲父乎蒙衣袂而死乎
壽宮蟲流於戶蓋以揚門之扇二月不葬也

對曰自宮

以適君非人情難親管仲死而桓公不用管仲

言卒近用三子三子專權四十二年戎伐周周

告急齊齊令諸侯各發卒成周是歲晉八子重

耳來桓公妻之四十二年初齊桓公之夫人三

曰王姬徐姬蔡姬皆無子
索隱曰系本徐嬴姓禮婦人稱國及姓今此言徐姬

者然姬是眾妾之摠稱故漢祿秩令云姬
妾數百婦人亦摠稱姬未必盡是姓也
桓公好內
服虔曰內

婦官也。多內寵如夫人者六人。長衛姬生無詭。索隱

曰左氏作無虧少衛姬生惠公。元鄭姬生孝公。昭葛嬴生

昭公。潘密姬生懿公。商人宋華子賈逵曰宋華氏之女子姓生

公子雍。桓公與管仲屬孝公於宋襄公。以為太

子雍。巫有寵於衛，共姬賈逵曰雍巫，雍人名巫，易牙字。索隱曰賈逵以雍巫為

易牙字未知何據。按管子有棠巫，恐與雍巫是一人也。因宦者豎刁以厚獻於

桓公，亦有寵。桓公許之，立無詭。杜預曰易牙既有寵於公，為長衛姬請立

管仲卒，五公子皆求立。冬十月乙亥，齊桓公卒。

易牙入與豎刁因內寵殺羣吏。服虔曰內寵如夫人者六人，羣吏諸

大夫也。杜預曰內寵內官之有權寵者。而立公子無詭為君。太子昭奔

齊太公世家

宋栢公病五公子各樹黨爭立及栢公卒遂相

攻以故宮中空莫敢棺正義音栢古惠反栢公尸在牀上六

十七日尸蟲出于戶十二月乙亥無詭立乃棺

赴辛巳夜斂殯徐廣曰斂一作臨也栢公十有餘子要其後

立者五人無詭立三月死無謚次孝公次昭公

次懿公次惠公孝公元年三月宋襄公率諸侯

兵送齊太子昭而伐齊齊人恐殺其君無詭齊

人將立太子昭四公子之徒攻太子太子走宋

宋遂與齊人四公子戰五月宋敗齊四公子師

而立太子昭是為齊孝公宋以栢公與管仲屬

之太子故來征之以亂故八月乃葬齊桓公覽

曰桓公冢在臨菑城南七里所菑水南。正義曰括地志云齊桓公墓在臨菑縣南二十一里牛山上亦名鼎足山一名

牛首岡一所二墳晉永嘉末人發之初得版次得水銀池有

氣不得入經數日乃牽犬入中得金蠶數十薄珠襦玉匣繒

綵軍器不可勝數又以

人殉葬骸骨狼藉也六年春齊伐宋以其不同盟

于齊也服虔曰魯僖公十九年諸侯盟于齊以無志桓公之德宋襄公欲行霸道不與盟故伐之夏宋

襄公卒七年晉文公立十年孝公卒孝公弟潘

因衛公子開方殺孝公子而立潘是為昭公昭

公桓公子也其母曰葛嬴昭公元年晉文公敗

楚於城濮正義曰賈逵云衛地也而會諸侯踐土朝周天子

使晉稱伯正義曰音霸六年翟侵齊晉文公卒秦兵敗

齊太公世家

於穀十二年秦穆公卒十九年五月昭公卒子
舍立為齊君舍之母無寵於昭公國人莫畏昭
公之弟商人以栢公死爭立而不得陰交賢士
附愛百姓百姓說及昭公卒子舍立孤弱即與
衆十月即墓上弑齊君舍而商人自立是為懿
公懿公栢公之子也其母曰密姬懿公四年春初
懿公為公子時與丙戎之父獵爭獲不勝及即
位斷丙戎父足而使丙戎僕賈逵曰僕御也。索隱曰左氏作丙厥僕。正義曰國語及左傳作閭職。好公

義曰左傳云乃掘而別之杜預云斷其尸足也

庸職之妻

正義曰國語及左傳作閭職

好公

內之宮使庸職驂乘

索隱曰左氏作閭職此言庸職不同者傳所云閭姓職名也此

言庸職庸非姓蓋謂受崔職之妻史意不同字亦異耳

五月懿公游於申池

杜預

曰齊南城門名申門齊城無池唯此門左右有池疑此是也左思齊都賦註曰申他海濱齊數也

二人浴

戲職曰斷足子戎曰奪妻者二人俱病此言乃

怨謀與公游竹中二人弑懿公車上棄竹中而

亡去懿公之立驕民不附齊人廢其子而迎公

子元於衛立之是為惠公惠公桓公子也其母

衛女曰少衛姬避齊亂故在衛惠公二年長程

來穀梁傳曰身橫九畝斷其首而載之眉見於軌王子城父攻殺之

賈逵曰王子城父齊

大夫埋之於北門晉趙穿弑其君靈公十年惠公

卒子頃公無野立

正義曰頃音傾

初崔杼有寵於惠公惠

齊太公世家

公卒高國畏其偏也逐之崔杼奔衛頃公元年
楚莊王彊伐陳二年圍鄭鄭伯降已復國鄭伯
六年春晉使郤克於齊齊使夫人帷中而觀之
郤克上夫人笑之郤克曰不是報不復涉河歸
請伐齊晉侯弗許齊使至晉郤克執齊使者四
人河內殺之八年晉伐齊齊以公子彊質晉晉
兵去十年春齊伐魯衛魯衛大夫如晉請師皆
因郤克索隱曰成二年左傳魯臧宣叔
衛孫栢子如晉皆主於郤克是晉使郤克以車
八百乘賈逵曰八百
乘六萬人為中軍將士燮將上軍欒書
將下軍以救魯衛伐齊六月壬申與齊侯兵合

靡笄下徐廣曰靡一作摩賈逵曰靡笄山名也○索隱曰靡如字靡笄山名在濟南與代地磨山不同癸

酉陳于鞶服虔曰鞶齊地名也逢丑父賈逵曰齊大夫為齊頃公右

頃公曰馳之破晉軍會食射傷郤克流血至履

克欲還入壁其御曰我始入再傷不敢言疾恐

懼士卒願子忍之遂復戰戰齊急丑父恐齊侯

得乃易處頃公為右車絙於木而止正義曰絙胡卦反止也有

所礙也晉小將韓厥伏齊侯車前曰寡君使臣救

魯衛戲之丑父使頃公下取飲正義曰左傳云及華泉驂絙於木而止丑

父使公下如華泉取飲周父御左車苑茂為右載齊侯獲免也因得亡脫去入其軍晉

郤克欲殺丑父丑父曰代君死而見僇後人臣

齊太公世家

無忠其君者矣克舍之丑父遂得亡歸齊於是

晉軍追齊至馬陵徐廣曰一作陘駟案賈逵曰馬陘齊地也齊侯請以寶

器謝左傳曰賂以紀甌玉磬也不聽必得笑克者蕭桐叔子杜預

曰桐叔蕭君之字齊侯外祖父子女也難今齊隴畝東行索隱曰龍畝東行則齊車馬東向濟行易也對曰叔子齊君母齊君

母亦猶晉君母子安置之且子以義伐而以暴

為後其可乎於是乃許令反魯衛之侵地正義曰左

傳云晉師及齊國使齊人歸我汶陽之田也十一年晉初置六卿賞鞏鞏之

功齊頃公朝晉欲尊王晉景公索隱曰王劭按張衡曰禮諸侯朝天子執

而授玉是欲尊晉侯為王太史公採其言而書之此文不云

玉既授而反之若諸侯自相朝則不授玉齊頃公戰敗朝晉

而授玉是欲尊晉侯為王太史公採其言而書之此文不云

授玉王氏之說復有所依聊記異耳 晉景公不敢受乃歸歸而頃公

弛苑囿薄賦斂振孤問疾虛積聚以救民民亦

大說厚禮諸侯竟頃公卒百姓附諸侯不犯十

七年頃公卒皇覽曰頃公冢近呂尚冢子靈公環立靈公九年

晉欒書弑其君厲公十年晉悼公伐齊齊令公

子光質晉十九年立子光為太子高厚傅之令

會諸侯盟於鍾離正義曰括地志云鍾離故城在沂州承縣界二十七年

晉使中行獻子伐齊索隱曰荀偃祖林父代為中行後改姓為中行氏獻子名偃齊

師敗靈公走入臨菑晏嬰止靈公靈公弗從曰

君亦無勇矣晉兵遂圍臨菑臨菑城守不敢出

齊太公世家

晉焚郭中而去二十八年初靈公取魯女生子

光以為太子仲姬戎姬嬖仲姬生子牙屬

之戎姬戎姬請以為太子公許之仲姬曰不可

光之立列於諸侯矣服虔曰數從諸侯征伐盟會今無故廢之

君必悔之公曰在我耳遂東太子光賈逵曰徙使之東垂也

高厚傅牙為太子靈公疾崔杼迎故太子光而

立之是為莊公莊公殺戎姬五月壬辰靈公卒

莊公即位執太子牙於勾營貫之丘殺之八月崔

杼殺高厚晉聞齊亂伐齊至高唐杜預曰高堂在祝阿縣西北

莊公三年晉大夫欒盂徐廣曰史記多作逞奔齊莊公厚客

待之晏嬰女田文子諫公弗聽四年齊莊公使欒

盈間入晉曲沃

賈逵曰欒盈之邑

為內應以兵隨之上太

行入孟門

賈逵曰孟門太行皆晉山隘也○素隱曰孟門山在朝歌東北太行山在河內溫縣西

欒

盈敗齊兵還取朝歌

賈逵曰晉邑

六年初棠公妻好

賈逵

曰棠公齊棠邑大夫

棠公死崔杼取之莊公通之數如崔氏

以崔杼之冠賜人侍者曰不可崔杼怒因其伐

晉欲與晉合謀襲齊而不得間莊公嘗答官者

賈舉賈舉復侍為崔杼間公

服虔曰伺公間隙○正義問音閑又如字

以

報怨五月莒子朝齊齊以甲戌饗之崔杼稱病

不視事乙亥公問崔杼病遂從崔杼妻崔杼妻

齊太公世家

入室與崔杼自閉戶不出公擁柱而歌服虔曰公以爲姜氏

不知已在外故歌以命之也一曰公自知見欺恐不得出故歌以自悔官者賈舉遮公從

宮而入閉門崔杼之徒持兵從中起公登臺而

請解不許請盟不許請自殺於廟不許皆曰君

之臣杼疾病不能聽命服虔曰言不能親聽公命近於公宮服虔

曰崔杼之宮近公陪臣爭趣徐廣曰爭一作扞。索隱曰左傳作扞趣此爲爭趣者是

太史公變左傳之文言陪臣但爭趣投有淫者耳更不知他命也有淫者不知二命杜預

曰言得淫人受崔子命討之不知他命也公踰牆射中公股公反隊遂弑

之晏嬰立崔杼門外賈逵曰聞難而來曰君爲社稷死則

死之爲社稷亡則亡之服虔曰謂以公義爲社稷死也如是者臣亦隨之死亡若

為己死己亡非其私暱誰敢任之

服虔曰言君自以己之私欲取

死云之禍則私近之臣所當任也杜預曰私暱所親愛也非所親愛無為當其禍也門開而入枕

公尸而哭三踊而出人謂崔杼必殺之崔杼曰

民之望也舍之得民服虔曰置之所以得人心丁丑崔杼立莊

公異母弟杵臼徐廣曰史記多作箸曰是為景公景公母魯

叔孫宣伯女也景公立以崔杼為右相慶封為

左相二相恐亂起乃與國人盟曰不與崔慶者

死晏子仰天曰嬰所不獲唯忠於君利社稷者

是從不肯盟慶封欲殺晏子崔杼曰忠臣也舍

之齊太史書曰崔杼弑莊公崔杼殺之其弟復

書崔杼復殺之少弟復書崔杼乃舍之景公元

年初崔杼生子成及彊其母死取東郭女生明

東郭女使其前夫子無咎與其弟偃正義曰杜預云東郭偃東

郭姜之弟也相崔氏成有罪正義曰左傳云成有疾而廢之杜預云有惡疾也二相

急治之立明為太子成請老於崔杼崔杼許之

二相弗聽曰崔宗邑不可杜預曰濟陽東朝陽縣西北有崔氏城也成彊

怒告慶封正義曰左傳云成強告慶封曰夫子身亦子所知也唯無咎與偃是從父兄莫能進矣恐害夫

子敢以告慶封曰苟利夫子必去之難吾助汝乃殺東郭慶

封與崔杼有郤欲其敗也成彊殺無咎偃於崔

杼家家皆奔云崔杼怒無人使一宦者御見慶

封慶封曰請為子誅之使崔杼仇盧蒲癸

賈逵曰癸

齊大夫慶封之屬

攻崔氏殺成彊盡滅崔氏崔氏婦自殺

崔杼歸亦自殺慶封為相國專權三年十月慶

封出獵初慶封已殺崔杼益驕嗜酒好獵不聽

政令慶舍用政

服虔曰舍慶封之子也生傳其職政與子

已有內郤田文

子謂相子曰亂將作田鮑高欒氏相與謀慶氏

慶舍發甲圍慶封宮四家徒共擊破之慶封還

不得入奔魯齊人讓魯封奔吳吳與之朱方聚

其族而居之富於在齊其秋齊人徙葬莊公僂

崔杼尸於市以說眾九年景公使晏嬰女之晉與

叔向私語曰齊政卒歸田氏田氏雖無大德以
公權私有德於民民愛之十二年景公如晉見
平公欲與伐燕十八年公復如晉見昭公二十
六年獵曾郊因入魯與晏嬰俱問曾禮三十一
年曾昭公辟季氏難奔齊齊欲以千社封之賈逵

曰二十五家為一社
千社二萬五千家也

子家止昭公昭公乃請齊伐魯

取鄆正義曰鄆
鄆城也

以居昭公三十二年彗星見景公

坐栢寢嘆曰堂堂誰有此乎

服虔曰景公自恐德薄
不能久享齊國故曰誰

有此也羣臣皆泣晏子笑公怒晏子曰臣笑羣臣

諛甚景公曰彗星出東北當齊分野寡人以為

憂晏子曰君高臺深池賦斂如弗得刑罰恐弗

勝弗星將出彗星

正義曰彗音佩謂客星侵近邊側欲相害又曰彗息歲反若帚形見其境

有亂也

何懼乎公曰可禳否晏子曰使神可祝而

來

正義祝音章受反

亦可禳而去也百姓苦怨以萬數而

君令一人禳之安能勝眾口乎是時景公好治

宮室聚狗馬奢侈厚賦重刑故晏子以此諫之

四十一年吳王闔閭伐楚入郢四十七年魯陽

虎攻其君不勝奔齊請齊伐魯鮑子諫景公乃

囚陽虎陽虎得亡奔晉四十八年與魯定公好

會夾谷

服虔曰東海祝其縣是也

犁鉏曰孔丘知禮而怯請令

齊太公世家

萊人為樂

杜預曰萊人齊所滅萊夷。索隱曰鉏音即餘反即犁彌也。

因執魯君可

得志景公害孔丘相曾懼其霸故從犁鉏之計

方會進萊樂孔子歷階上使有司執萊人斬之

以禮讓景公景公斬乃歸魯侵地以謝而罷去

是歲晏嬰卒五十五年范中行反其君於晉晉

攻之急來請粟田乞欲為亂樹黨於逆臣說景

公曰范中行數有德於齊不可不救乃使乞救

而輸之粟五十八年夏景公夫人燕姬適子死

景公寵妾芮姬生子荼

索隱曰左傳云鬻婁之子荼嬖則荼母姓婁此作芮姬不同也

荼少其母賤無行諸大夫

譙周依左氏作鬻婁妙鄒誕生本作芮姬音五句反

恐其為嗣乃言願擇諸子長賢者為太子景公

老惡言嗣事又愛荼母欲立之憚發之口乃謂

諸大夫曰為樂耳國何患無君乎秋景公病命

國惠子高昭子杜預曰惠子國夏也昭子高張也立少子荼為太

子逐羣公子遷之萊服虔曰萊齊東鄙邑景公卒皇覽曰景公冢與桓公冢

同太子荼立是為晏孺子冬未葬而羣公子畏

誅皆出亡荼諸異母兄公子壽駒黔奔衛徐廣曰一

二云壽黔奔衛。索隱曰壽一作嘉三人奔衛。正義曰二公子公子駒陽生奔魯索隱曰左

氏作公子組二人奔魯萊人歌之曰景公死乎弗與埋三軍

事乎弗與謀服虔曰萊人見五公子遠遷鄙邑不得與景公葬埋之事及國三軍之謀故愆而歌杜預

曰稱謚蓋葬後而為此
歌哀羣公子失所也

師乎師乎胡黨之乎

服虔曰徒
衆也黨所

也言公子徒
衆何所適也

晏孺子元年春田乞僞事高國者每

朝乞驂乘言曰子得君大夫皆自危欲謀作亂

又謂諸大夫曰高昭子可畏及未發先之大夫

從之六月田乞鮑牧乃與大夫以兵入八公宮攻

高昭子昭子聞之與國惠子救公公師敗田乞

之徒追之國惠子奔莒遂反殺高昭子晏圍奔

魯

賈逵曰圍
晏嬰安之子

八月齊秉意茲

徐廣曰左傳八月
齊邴意茲奔魯

田乞敗二相乃使人之魯召公子陽生陽生至齊私

匿田乞家十月戊子田乞請諸大夫曰常之母

有魚菽之祭

何休曰齊俗婦人首祭事言魚豆者示薄陋無所有也

幸來會飲會

飲田乞盛陽生橐中置坐中央發橐出陽生曰此乃齊君矣大夫皆伏謁將與大夫盟而立之鮑牧醉乞誣大夫曰吾與鮑牧謀共立陽生鮑牧怒曰子忘景公之命乎諸大夫相視欲悔陽生前頓首曰可則立之否則已鮑牧恐禍起乃復曰皆景公子也何為不可乃與盟立陽生是為悼公悼公入宮使人遷晏孺子於駘賈逵曰齊邑殺之幕下而逐孺子母芮子芮子故賤而孺子少故無權國人輕之悼公元年齊伐魯曾取謹闡杜預

曰闡在東平剛縣北。索隱初陽生云在魯季康子

以其妹妻之及歸即位使迎之季姬與季魴侯

通杜預曰魴侯康子叔父也言其情魯弗敢與故齊伐魯竟迎

季姬季姬壁齊復歸魯侵地鮑子與悼公有郤

不善四年吳魯伐齊南方鮑子弒悼公赴于吳

吳王夫差哭於軍門外三日將從海入討齊齊

人敗之吳師乃去晉趙鞅伐齊至賴而去服虔曰賴齊邑

齊人共立悼公子壬是為簡公徐廣曰年表云簡公壬者景公之子也

簡公四年春初簡公與父陽生俱在魯也闡止

有寵焉賈逵曰闡止子我也。索隱曰左氏監及即位

作闡音苦濫反闡在東平須昌縣東南

使為政田成子憚之驟顧於朝

杜預曰心不御鞅安故數顧也

御鞅

言簡公

賈逵曰鞅齊大夫也。索隱曰鞅名為僕御之官故曰御鞅亦田氏之族按系本陳栢子无宇產子

廩廩產子獻獻產鞅也

曰田闞不可並也君其擇焉

杜預曰擇用一人也

弗聽子我夕

服虔曰夕少自事

田逆殺人逢之

服虔曰子我將往夕少自事於君

而逢逆之殺人也杜預曰逆子行陳氏宗

遂捕以入

杜預曰執逆入至於朝也

田氏方睦

服虔曰陳常方欲謀有齊國故和其宗族

使囚病而遺守囚者酒

服虔曰使陳逆詐病

而遺也

醉而殺守者得二子我盟諸田於陳宗

服虔

曰子我見陳逆得生出而恐為陳氏所怨故與盟而請和也陳宗宗長之家

初田豹欲為子

我臣

賈逵曰豹陳氏族也

使公孫言豹

賈逵曰公孫齊大夫也杜預曰言介達之意

豹

有喪而止後卒以為臣

杜預曰終喪也

幸於子我子我謂

齊太公世家

曰吾盡逐田氏而立女可乎對曰我遠田氏矣

服虔曰言我與陳氏宗踈遠也且其違者不過數人服虔曰違者不從子我者何

恚遂焉遂告田氏子行曰彼得君弗先必禍子

服虔曰彼謂闕止也子謂陳常也子行舍於八宮服虔曰止於八宮也夏

五月壬申成子兄弟四乘如公服虔曰成子兄弟八人二人共一乘故曰

四乘。索隱曰系本陳僖子乞產成子常簡子齒宣子其夷穆子安廩丘子尚暨茲子芒盈惠子得凡七人杜預又取昭子莊以充八人之數按系本昭子是桓公之子成子之叔父

又不名莊疆相證會言四乘有八人耳今按田完系家云田常兄弟四人如公宮與此事同今此唯稱四乘不云人數知

四乘謂弟兄四人乘車而入非二人共乘也然其昆弟三人不見者蓋時或不在不同入公宮不可疆以四乘

為八人添叔父為兄弟之數服虔杜預之失也子我在

幄杜預曰幄帳也出迎之遂入閉門服虔曰成子兄弟見子我出遂突入

聽政之處也

反閉門子我不得復入宦者禦之服虔曰闔豎以兵禦陳氏子行殺宦者服虔

曰舍於公公宮故得殺之公與婦人飲酒于檀臺服虔曰當陳氏入時飲酒於此

臺成子遷諸寢服虔曰欲徙公令居寢也公執戈將擊之杜預疑

其作亂也太史子餘服虔曰齊大夫曰非不利也將除害也杜預

曰言將為公除害也成子出舍于庫杜預曰以公怒故也聞公猶怒將出

服虔曰出奔也曰何所無君子行拔劍曰需事之賊也杜預

曰言需疑則害也誰非田宗杜預曰言陳氏宗族衆多所不殺子者有如

田宗杜預曰言子若欲出我必殺子明如陳宗乃止子我歸屬徒服虔曰會徒衆攻

闔與大門服虔曰宮中之門皆弗勝乃出田氏追之

豐丘人執子我以告賈逵曰豐丘陳氏邑也殺之郭關服虔曰齊關名

齊太公世家

成子將殺大陸子方

服虔曰子方子我黨大夫東郭賈也

田逆請而免

之以公命取車於道

杜預曰子方取道中行人車

出雍門

杜預曰齊城門

田豹與之車弗受曰逆為余請豹與余車余有

私焉事子我而有私於其讎何以見魯曾衛之士

服虔曰子方將欲奔魯曾衛也左傳曰東郭賈奔衛

庚辰田常執簡公于徐州

春秋作舒州賈逵曰陳氏邑也。索隱曰徐音舒其字從人左氏作舒舒陳氏邑說文作郟郟在薛縣也

公曰余

蚤從御鞅言不及此甲午田常弑簡公于徐州

田常乃立簡公弟驁是為平公

索隱曰系本及譙周皆作敬誤也

平公即位田常相之專齊之政割齊安平以東

為田氏封邑

徐廣曰年表云平公之時抑自出稱田氏。索隱曰安平齊邑地理志云涿郡有安平縣

平公八年越滅吳二十五年卒子宣公積立宣

公五十一年卒子康公伐莒立田會及廩丘

索隱曰田會魯齊

大夫廩丘名東郡有廩丘縣也康公二年韓魏趙始列為諸侯十

九年田常曾孫田和始為諸侯遷康公海濱二

十六年康公卒呂氏遂絕其祀田氏卒有齊國

為齊威王彊於天下

太史公曰吾適齊自泰山屬之琅邪北被于海

膏壤二千里其民闊達多匿知其天性也以太

公之聖建國本桓公之盛脩善政以為諸侯會

盟稱伯不亦宜乎洋洋哉固大國之風也

索隱述贊曰

太公佐周

實秉陰謀

既表東海

乃居營丘

小白致霸

九合諸侯

及溺內寵

甕鍾虫流

莊公失德

崔杼作仇

陳氏傳政

厚貨輕收

悼簡遘禍

田闚非儔

颯颯餘烈

一變何由

史柒阡貳佰叁拾壹字

註伍阡肆佰捌拾伍字

齊太公世家第二

史記三十二

一變出山

前論

齊太公

父城

公古

太公

百

百

百

百

百

百

百

百

百

百

百

百

齊太公世家

魯周公世家第三

史記三十三

周公旦者周武王弟也

譙周曰以太王所居周地為其采邑故謂周公。索隱曰

周地名在岐山之陽本太王所居後以為周公之采邑故曰周公即今之扶風雍東北故周城也謚曰周文公見國語

自文王在時旦為子孝篤仁異於羣子

索隱曰鄒誕本孝作

敬及武王即位旦常輔翼武王用事居多武王

九年東伐至盟津周公輔行十一年伐紂至牧

野

正義曰衛州即牧野之地東北去朝歌七十三里

周公佐武王作牧誓破

殷入商宮已殺紂周公把大鉞召公把小鉞以

夾武王豐社告紂之罪于天及殷民釋箕子之

囚封紂子武庚祿父使管叔蔡叔傅之以續殷

禮

祀徧封功臣同姓戚者封周公曰於少昊之虛

曲阜

正義曰括地志云兗州曲阜縣外城即魯公伯禽所築也

是為魯公周公不

就封留佐武王武王克殷二年天下未集武王

有疾不豫羣臣懼太公召公乃繆卜

徐廣曰古書繆字多作繆

周公曰未可以戚我先王

孔安國曰戚近也未可以死近先王也鄭玄曰二公

欲就文王廟卜戚憂也未可憂怖我先王也

周公於是乃自以為質設三

壇周公北面立戴璧秉圭

孔安國曰璧以禮神圭以為贄

告于太

王王季文王

孔安國曰告謂祝辭

史策祝

孔安國曰史為策書祝詞也鄭玄曰策周公所

作謂簡書也祝者讀此簡書以告三王

曰惟爾元孫王發勤勞阻疾

徐廣

作阻一

若爾三王是有負子之責於天以旦代王

魯周公世家

發之身

孔安國曰太子之責謂疾不可救也不可救于天則當以旦代之死生有命不可請代聖人叙臣子

之心以垂世教。索隱曰尚書負為不今此為負者謂三王負上天之責故我當代之鄭玄曰不讀曰負旦巧

能多材多藝能事鬼神孔安國曰言可乃王發不

如旦多材多藝不能事鬼神乃命于帝庭敷佑

四方馬融曰武王受命于天帝用能定汝子孫于下

地四方之民罔不敬畏孔安國曰言武王用受命帝庭

方之民無不敬畏也無墜天之降葆命我先王亦永有所依

歸孔安國曰言不救則墜天寶命也救之則先王長有所依

歸矣鄭玄曰降下也寶猶神也有所依歸為宗廟之主也

○正義墜直類反今我其即命於元龜孔安國曰就受三王之命於元龜卜知吉凶者

也馬融曰元龜大龜也爾之許我我以其璧與圭歸以俟爾

命孔安國曰許謂疾瘳待命當以事神也爾不許我我

乃屏璧與圭孔安國曰不許不愈也周公已令史策告

太王王季文王欲代武王發於是乃即三王而

卜卜人皆曰吉發書視之信吉孔安國曰占兆書也周公喜

開籥乃見書遇吉王肅曰籥藏占兆書管也周公入賀武王曰

王其無害且新受命三王維長終是圖孔安國曰我新受三

王命武王維長終是謀周之道茲道能念予一人馬融曰一人天子也鄭玄曰茲此也周

公藏其策金縢匱中孔安國曰藏之於匱緘之以金不欲人開也誠守

者勿敢言明日武王有瘳其後武王既崩成王

索隱曰強葆即襁褓古字少假借用之正義曰強闊八寸長八尺用約小兒

於背而負行
葆小兒被也

周公怒天下聞武王崩而畔周公乃

踐阼代成王攝行政當國管叔及其羣弟流言

於國曰周公將不利於成王

孔安國曰放言於國以
誣周公以惑成王也

周公乃告太公望召公奭曰我之所以弗辟

正義

音避

而攝行政者恐天下畔周無以告我先王大

王王季文王三王之憂勞天下久矣於今而后

成武王蚤終成王少將以成周我所以為之若

此於是卒相成王而使其子伯禽代就封於魯

周公戒伯禽曰我文王之子武王之弟成王之

叔父我於天下亦不賤矣然我一沐三捉髮一

飯三吐哺起以待士猶恐失天下之賢人子之
魯慎無以國驕人管蔡武庚等果率淮夷而反
周公乃奉成王命興師東伐作大誥遂誅管叔
殺武庚放蔡叔收殷餘民以封康叔於衛封微
子於宋以奉殷祀寧淮夷東土二年而畢定諸
侯咸服宗周天降祉福唐叔得禾異母同穎徐廣曰
曰一作穗穎即穗也。索隱曰尚書作畝此為母義亦並通。獻之成王成王命唐叔
以餽周公於東土作餽禾周公既受命禾嘉天
子命徐廣曰嘉一作魯今書序作旅也。索隱曰魯字誤史意云周公嘉天子命於文不必作魯作嘉
禾東土以集周公歸報成王乃為詩貽王命之

魚豈周公世家

曰鷓鴣

毛詩序曰成王未知周公之志公乃為詩以遺王名之曰鷓鴣毛傳曰鷓鴣鷓鴣也

王亦

未敢訓周公

徐廣曰訓一作誚。索隱曰尚書作誚誚讓也此作訓字誤耳義無所通徐氏合定其本

何須云一作誚也

成王七年二月乙未王朝步自周至豐

馬融曰周鎬京也豐文王廟所在朝者舉事上朝將即土中易都大事故告文王武王廟鄭玄曰步行也堂下謂之步豐

鎬異邑而言步者告武王廟即行出廟入廟不以遠為父恭也。索隱曰豐文王所作邑後武王都鎬於豐立文王廟按

豐在鄆縣東臨豐水東去鎬二十五里也

使太保召公奭之雒相土

鄭玄曰相

視其二月周公往營成周雒邑

公羊傳曰成周者何東周也何休曰名為

成周者周道始成王所都也

卜居焉曰吉遂國之成王長能聽

政於是周公乃還政於成王成王臨朝周公之

代成王治南面倍依以朝諸侯

禮記曰周公朝諸侯于明堂之位天子負

斧依南向而立鄭玄曰周公攝王位以明堂之禮儀朝諸侯也
不於宗廟避王也天子周公也負之言倍也斧依為斧文
屏風於戶牖之間
周公於前立也
及七年後還政成王北面就臣

位躬躬如畏然徐廣曰躬躬謹敬貌也見三蒼音窮窮一本作曩曩也初成王

少時病周公乃自揃其蚤沈之河以祝於神曰

王少未有識奸神命者乃旦也亦藏其策於府

成王病有瘳及成王用事人或譖周公周公奔

楚索隱曰經典無文其事或別有所出而譙周云秦既燔書時人欲言金滕之事失其本末乃云成王少時病周公禱

河欲代王死藏祝策于府成王用事人譖周公周公奔楚成王發府見策乃迎周公又與蒙恬傳同事或然也成王

發府見周公禱書乃泣反周公周公歸恐成王

壯治有所淫佚乃作多士作毋逸毋逸稱為人

父母為業至長以子孫驕奢忘之以云其家為

人子可不慎乎故昔在殷王中宗嚴恭敬畏天

命自度孔安國曰用法度也治民震懼不敢荒寧馬融曰知民之勞苦不敢

荒廢自安也故中宗饗國七十五年其在高宗正義曰武丁也以

勞于外為與小人孔安國曰父小乙使之久居人間勞是稼穡與小人出入同事也馬融曰

武丁為太子時其父小乙使行役有所勞役於外與小人從事知小人艱難勞苦也鄭玄曰為父小乙將師役於外也

作其即位乃有亮闇三年不言孔安國曰武丁起其即王位則小乙死乃

有信嘿三年不言言孝行著也言乃謹鄭玄曰謹喜悅也言乃喜悅則民臣

望其言久矣不敢荒寧密靖殷國馬融曰寧安也至于小大無怨

孔安國曰小大之政民無怨者言無非也故高宗饗國五十五年尚書云五十九年

其在祖甲

孔安國曰王肅云祖甲湯孫太甲也馬融曰鄭玄曰祖甲武丁子帝甲也。索隱曰按紀年太

甲唯得十二年此云祖甲享國三十三年知祖甲是帝甲明也

不義惟王父為小人

孔安

國曰為王不義父為小人之行伊尹放之桐宮馬融曰祖甲有兄祖庚而祖甲賢武丁欲立之祖甲以王發長立少不義

逃云民間故曰不義惟王父為小人也武丁死祖庚立祖庚死祖甲立

于外知小人之依

能保施小民不侮鰥寡

孔安國曰小人之所依依仁政也故能安順於眾民不敢

侮慢厚獨也

故祖甲饗國三十三年

王肅曰先中宗後祖甲先成盛德後有過也多

士稱曰自湯至于帝乙無不率祀明德帝無不

配天者

孔安國曰無敢失天道者故無不配天也

在今後嗣王紂誕淫厥

佚不顧天及民之從也

徐廣曰一作敬之也駟案馬融曰紂大淫樂其逸無所能顧念

於天施顯道於民而敬之也

其民皆可誅周多士文王日中旻

魯周公世家

不暇食饗國五十年作此以誠成王成王在豐

天下已安周之官政未次序於是周公作周官

官別其宜作立政孔安國曰周公既致政成王恐其怠忽故以君臣立政為戒也以便

百姓百姓說周公在豐病將沒曰必葬我成周

徐廣曰衛世家云管叔欲襲成周然則或說尚書者不以成周為洛陽乎諸侯年表叙曰齊晉楚秦其在成周微之甚也

以明吾不敢離成王周公既卒成王亦讓葬周

公於畢正義曰括地志云周公墓在雍州咸陽北十三里畢原上從文王以明予

小子不敢臣周公也周公卒後秋未獲暴風雷

雨禾盡偃大木盡拔周國大恐成王與大夫朝

服以開金縢書索隱曰尚書武王崩後有此雷風之異今此言周公卒後更有暴風之變始開

金滕之書此不然也蓋由史遷不見古文尚書故謬爾

王乃得周公所自以為功

代武王之說

徐廣曰一作簡駟案孔安國曰所藏請命策書本也

二公及王乃問

史百執事

孔安國曰二公偕王啓之故先見書也史百執事皆從周公請命者鄭玄曰問者問審然否也

史百執事曰信有昔周公命我勿敢言成王執

書以泣

鄭玄曰泣者傷周公忠孝如是而無知之者

曰自今後其無繆卜

乎

孔安國曰本欲敬卜吉凶今天意可知故止

昔周公勤勞王家惟予幼

人弗及知今天動威以彰周公之德惟朕小子

其迎我國家禮亦宜之

王肅曰亦宜褒有德也○正義曰孔安國云周公以成王

未寤故留東未還成王改過自新遣使者逆之亦國家禮有德之宜也王孔二說非也按言成王以開金滕之書知天風

雷以彰周公之德故成王亦設郊天之禮以迎我國家先祖配食之禮亦當宜之故成王出郊天乃兩反風也王出

魯周公世家

郊天乃雨反風禾盡起

孔安國曰郊以玉幣謝天也天即反風起禾明郊之是也馬融

曰反風風還反也

二公命國人凡大木所偃盡起而築之

徐廣曰築拾也駟案馬融曰禾為木所偃者起其木拾其下禾乃無所失亡也

成王乃命魯得郊

禮記曰魯君祀帝于郊配以后稷天子之禮

周公之德也周公卒子伯禽固已前受封是為

魯有天子禮樂者以褒

禮記

曰諸侯不得祖天子鄭玄曰魯以周公之故立文王之廟也

魯公

伯禽之初受封之魯三年而後報政周公周公

索隱曰周公元子就封於魯次子留相王室代魯公為周公其餘食小國者六人凡蔣邢茅胙祭也

魯公

曰何遲也伯禽曰變其俗革其禮喪三年然後

除之故遲太公亦封於齊五月而報政周公周

除之故遲太公亦封於齊五月而報政周公周

公曰何疾也曰吾簡其君臣禮從其俗為也及

後聞伯禽報政遲乃歎曰嗚呼魯後世其北面

事齊矣夫政不簡不易民不有近平易近民

必歸之徐廣曰一本云政不簡不行不行不樂不樂則不

易有近平簡易民必歸之。索隱曰言伯禽即位之後

有管蔡等反也淮夷徐戎亦並興反孔安國曰淮

之戎並起為寇於是伯禽率師伐之於勝作勝誓言徐廣曰

一作彌駟案尚書作棗孔安國曰魯東郊之地名也。索隱

曰尚書作棗誓今尚書大傳作鮮誓鮮誓即勝誓古今字異

義亦變也鮮彌也言於勝地誓眾因行彌田之禮以取鮮獸

而祭故字或作鮮或作彌棗地名即魯御季氏之費邑地名

曰陳爾甲冑無敢不善無敢傷牯

正義曰古毒反牯牛馬牢也今

魯周公世家

臣無傷其牛
恐牛馬逸

馬牛其風臣妾逋逃

鄭玄曰風走逸臣妾厮役之屬也

勿

敢越逐敬

徐廣曰一作振

復之也孔安國曰勿敢弃越壘伍而求逐也衆人有得佚馬牛逃臣妾皆敬

還無敢寇攘踰牆垣

鄭玄曰寇劫取也因其失亡曰攘

曾人三郊三

隧

王肅曰邑外曰郊郊外曰隧不言四者東郊留守故言三也

峙爾芻芟糶糧楨幹

孔安國曰皆當儲峙汝糧使足食多積芻芟供軍牛馬馬融曰楨幹皆築具楨在前幹在兩傍正義曰糶去九反楨音

真無敢不逮我甲戌築而征徐戎

孔安國曰甲戌日當築攻敵壘

距堙之屬

無敢不及有大刑

馬融曰大刑死刑

作此旂誓遂平

徐戎定魯曾公伯禽卒

徐廣曰皇甫謐云伯禽以成王元年封四十六年康王十

六年卒

子考父酋立

索隱曰系本作就鄭本作道

考父四年卒立弟

熙是謂煬公

索隱曰熙一作怡

煬公築茅

徐廣曰一作夷第又作夷

闕門

世本曰煬公徙魯
宋忠曰今魯國

六年卒子幽公宰立索隱曰世本名圍幽公

十四年幽公弟潰殺幽公而自立是為魏公徐廣

曰世本作微公。索隱曰系本潰作弗音佛魏作微且古書多用魏字作微則大史公意亦不殊魏公五

十年卒子厲公擢立索隱曰系本作厲公三十七年

卒魯人立其弟具是為獻公獻公三十二年卒

徐廣曰劉歆云五十年子真公濞立索隱曰真音慎本亦

皇甫謐云三十六年真公十四年周厲王無侯可通也鼻系本作摯或作鼻音匹位反鄉誕本作慎公鼻也

道出奔彘共和行政二十九年周宣王即位三

十年真公卒弟敖立是為武公武公九年春武

公與長子括少子戲正義曰許義反又音許宜反後同西朝周宣王

魯周公世家

宣王愛戲欲立戲為魯太子周之樊仲山父諫

宣王曰廢長立少不順不順必犯王命犯王命

必誅之故出令不可不順也令之不行政之不

立韋昭曰今不行則政不立行而不順民將奔上韋昭曰使長事夫

下事上少事長所以為順今天子建諸侯立其

少是教民逆也唐固曰言不教若魯從之諸侯效

之王命將有所壅韋昭曰言先王立長若弗從而誅

之是自誅王命也韋昭曰先王之命立長今魯誅之亦

失不誅亦失韋昭曰誅之誅王王其圖之宣王弗聽

卒立戲為魯太子夏武公歸而卒徐廣曰劉歆戲

立是為懿公懿公九年懿公兄括之子伯御正義

曰伯我嫁反下同也

與魯人攻弑懿公而立伯御為君伯御

即位十一年周宣王伐魯殺其君伯御而問魯

公子能道順

徐廣曰一作訓。正義曰道音導順音訓。

諸侯者以為魯後

樊穆仲曰

韋昭曰穆仲仲山父之謚也。猶魯叔孫穆子謂之穆叔也。

魯懿公弟稱

正義

尺器反

肅恭明神敬事耆老賊事行刑必問於遺

訓而次於固實

徐廣曰固一作故。韋昭曰故實故事之是者。

不干所問不

犯所知宣王曰然能訓治其民矣乃立稱於夷

宮

韋昭曰夷宮者宣王祖父夷王之廟古者爵命必於祖廟。

是為孝公自是後諸侯

多畔王命孝公二十五年諸侯畔周犬戎殺幽

王秦始皇列為諸侯二十七年孝公卒子弗湟

徐廣

曰表云弗生也。索隱曰系本作弗皇年表作弗生立是為惠公惠公三十年

晉人弑其君昭侯四十五年晉人又弑其君孝

侯四十六年惠公卒長庶子息攝當國行君事

是為隱公索隱曰隱公名息系本名息姑初惠公適夫人無子正義適音

的公賤妾聲子生子息息長為娶於宋宋女至

而好惠公奪而自妻之索隱曰左傳宋武公生仲子

相公今此云惠公奪息婦而自妻又經傳不言惠公無道左氏文亦分明不知太史公何據而為此說譙周亦深不信

生子允徐廣曰一作軌。索隱曰一作兀五勿心反登宋女為夫人以允為

太子及惠公卒為允少故魯人共令息攝政不

言即位隱公五年觀漁於棠

賈逵曰棠魯地陳漁而觀之杜預曰高平方與

縣北有武棠亭曾侯觀漁臺也

八年與鄭易天子之太山之邑枋

及許田君子譏之

穀梁傳曰枋者鄭伯之所受命於天子而祭太山之邑也許田乃魯之朝

宿之邑天子在上諸侯不得以地相與

十一年冬公子揮諂謂隱公曰

百姓便君君其遂立五臯請為君殺子允君以我

為相

左傳曰尹父請殺相公將以求太宰也

隱公曰有先君命吾為

允少故攝代今允長矣吾方營菟裘之地而老

焉

服虔曰菟裘魯邑也營菟裘以作宮室欲居之以終老也杜預曰菟裘在泰山梁父縣南

以授子允

政揮懼子允聞而反誅之乃反譖隱公於子允

曰隱公欲遂立去子子其圖之請為子殺隱公

子允許諾十一月隱公祭鍾巫賈逵曰鍾巫祭名也齊于社

圃杜預曰社圃園各館于為氏服虔曰館舍也揮使人弑隱

公于為氏而立子允為君是為桓公桓公元年

鄭以璧易天子之許田麋信曰鄭以祊不足當許田故復加璧二年以

宋之賂鼎入於太廟君子譏之穀梁傳曰桓公內殺其君外成人之亂受

賂而退以事其祖非禮也三年使揮迎婦于齊為夫

人六年夫人生子與桓公同日故名曰同同長

為太子十六年會于曹伐鄭入厲公十八年春

公將有行杜預曰始議行事也遂與夫人如齊申繻諫止賈逵

曰申繻魯大夫公不聽遂如齊齊襄公通桓公夫人公怒

夫人夫人以告齊侯夏四月丙子齊襄公饗魯公

服虔曰為公設享燕之禮

公醉使公子彭生抱魯桓公因命彭

生摺其脅魯公死于車魯人告于齊曰寡君畏君

之威不敢寧居來脩好禮禮成而不反無所歸

咎請得彭生以除醜於諸侯齊人殺彭生以說

魯立太子同是為莊公莊公母夫人因留齊不

敢歸魯莊公五年冬伐衛內衛惠公八年齊公

子糾來奔九年魯欲內子糾於齊後桓公桓公

發兵擊魯魯急殺子糾召忽死齊告魯生致管

仲魯人施伯曰

正義曰世本云施伯魯惠公孫

齊欲得管仲非殺

魯周公世家

之也將用之用之則為魯患不如殺以其屍與

之索隱曰屍亦作死字莊公不聽遂囚管仲與齊齊人相管

仲十三年魯莊公與曹沫會齊桓公於柯曹沫

劫齊桓公求魯侵地已盟而釋桓公桓公欲背

約管仲諫卒歸魯侵地十五年齊桓公始霸二

十二年莊公如齊觀社韋昭曰齊因祀社鬼神軍實以示軍容公往觀之三十

二年初莊公築臺臨黨氏賈逵曰黨氏魯大夫任姓見孟女賈逵

曰黨氏之女。索隱曰左傳云初公築臺臨黨氏見孟任從之。闕杜預曰孟長任字也非姓耳。說而愛之

許立為夫人割臂以盟服虔曰割其臂以與公盟孟女生子斑

斑長說梁氏女杜預曰梁氏魯大夫也往觀圉人犖自牆外

往觀圉人犖自牆外

與梁氏女戲

服虔曰圉人掌養馬者犛其名也。正義犛力角反。

斑怒鞭犛莊

公聞之曰犛有力焉遂殺之是未可鞭而置也

斑未得殺會莊公有疾莊公有三弟長曰慶父

次曰叔牙次曰季友莊公取齊女為夫人曰哀

姜哀姜無子哀姜姊

正義曰田反

曰叔姜生子開莊

公無適嗣愛孟女欲立其子斑莊公病而問嗣

於弟叔牙叔牙曰一繼一及魯之常也

何休曰父死子繼兄

死弟及

慶父在可為嗣君何惠莊公患叔牙欲立

慶父退而問季友季友曰請以死立斑也莊公

曰曩者叔牙欲立慶父奈何季友以莊公命命

牙待於鍼巫氏

杜預曰鍼巫氏魯大夫也

使鍼季劫飲叔牙以鳩

服虔曰鳩鳥一曰運日鳥

曰飲此則有後奉祀不然死且無後

牙遂飲鳩而死曾立其子為叔孫氏

杜預曰不以罪誅故得立

後世繼其祿也

八月癸亥莊公卒季友竟立子斑為君如

莊公命侍喪舍于黨氏

正義曰未至公宮止於舅氏

先時慶父

與哀姜私通欲立哀姜娣子開及莊公卒而季

友立斑十月己未慶父使圉人犂殺魯公子斑

於黨氏季友犇陳

服虔曰季友內知慶父之情力不能誅故避其難出奔

慶父

竟立莊公子開是為湣公

索隱曰系本名曰啓今此作開避漢景帝諱耳春秋

作閔公也湣公二年慶父與哀姜通益甚哀姜與慶

父謀殺潛公而立慶父慶父使卜齟龍殺潛公

於武闈賈逵曰卜齟魯大夫也宮中之門謂之闈。正義曰齟魚綺反闈音韋。季友聞之

自陳與潛公弟申如邾請魯求內之魯人欲誅

慶父慶父恐奔莒於是季友奉子申入立之是

為釐公索隱曰潛公之弟名曰申成季相之曾國以理於是魯人為僖公作魯頌釐公亦莊

公少子哀姜恐奔邾季友以賂如莒求慶父慶

父歸使人殺慶父慶父請奔弗聽乃使大夫奚

斯行哭而往慶父聞奚斯音乃自殺齊桓公聞

哀姜與慶父亂以危魯乃召之邾而殺之以其

屍歸戮之魯魯釐公請而葬之季友母陳女故

魯周公世家

云在陳陳故佐送季友及子申季友之將生也

父魯栢公使人卜之曰男也其名曰友間于兩

社為公室輔賈逵曰兩社周社亳社也兩社之間朝廷執政之臣所在季友云則

魯不昌及生有丈在掌曰友遂以名之號為成

季其後為季氏慶父後為孟氏也釐公元年以

汶陽鄆封季友賈逵曰汶陽鄆魯二邑杜預曰汶陽汶水北地也汶水出泰山萊蕪縣。索隱

曰費今作費同音祕按費在汶水之北則汶陽非邑賈言二邑非也地理志東海費縣班固云魯季氏邑蓋尚書費誓即

是其地季友為相九年晉里克殺其君奚齊卓子

徐廣曰卓一作悼齊栢公率釐公討晉亂至高梁而還索隱

曰晉地在平陽縣立晉惠公十七年齊栢公卒二十四年

晉文公即位二十三年釐公卒子興立是為文

公文八公元年楚太子商臣弑其父成王代立三

年文八公朝晉襄公十一年十月甲午魯敗翟子

鹹服虔曰魯地也獲長翟橋如富父終甥春其喉以戈殺

之服虔曰富父終甥魯大夫也春猶衝埋其首於子駒之門賈逵曰子駒魯郭門名

以命宣伯服虔曰宣伯叔孫得臣子喬如也得臣初宋

武公之世鄭瞞伐宋服虔曰武公周平王時在春秋前

鄭作度音所劉司徒皇父帥師禦之以敗翟子長

丘杜預曰獲長翟緣斯如之祖晉之滅路在魯宣公十五年

獲喬如弟焚如齊惠公二年鄭瞞伐齊齊王子

魯周公世家

城父獲其弟榮如埋其首於北門

按年表齊惠公二年曾宣八公之

二年衛人獲其季弟簡如

服虔曰獲與喬如同時

鄭瞞由是遂

云杜預曰長翟之種絕

十五年季文子使於晉十八年二月

文公卒文公有二妃長妃齊女哀姜

索隱曰此哀非蓋蓋以哭

而過而國人哀之謂之哀姜

生子惡及視次妃敬嬴嬖愛生子

倭徐廣曰一作倭索隱曰音人唯反

倭私事襄仲

服虔曰襄仲公子遂

襄仲欲立

之叔仲曰不可

服虔曰叔仲惠伯

襄仲請齊惠公惠公新

立欲親魯許之冬十月襄仲殺子惡及視而立

倭是為宣公哀姜歸齊哭而過市曰天乎襄仲

為不道殺適

正義音的

立庶市人皆哭魯人謂之哀

姜魯由此公室甲三桓彊

服虔曰三桓魯桓公之族仲孫叔孫季孫

宣公

倭十二年楚莊王疆圍鄭鄭伯降復國之十八

年宣公卒子成公黑肱

徐廣曰肱一作股

立是為成公季

文子曰使我殺適立庶失大援者襄仲

服虔曰援助也仲殺

適立庶國政無常鄰國非之是失大援助也杜預曰襄仲立宣公南通於楚既不固又不能堅事齊晉故云失大援

襄

仲立宣公公孫歸父有寵

服虔曰歸父襄仲之子

宣公欲去

三桓與晉謀伐三桓會宣公卒季文子怨之歸

父奔齊成公二年春齊伐取我隆

左傳作龍杜預曰魯邑在泰山

博縣西南夏公與晉郤克敗齊頃公於鞌齊復歸我

侵地四年成公如晉晉景公不敬魯魯欲背晉

合於楚或諫乃不十年成公如晉晉景公卒因

留成公送葬魯諱之

索隱曰經不書其葬唯言公如晉是諱之

十五年始

與吳王壽夢會鍾離

正義曰括地志云鍾離國故城在濠州鍾離縣東五里

十

六年宣伯告晉欲誅季文子

服虔曰宣伯叔孫喬如

文子有

義晉人弗許十八年成公卒子午立是為襄公

是時襄公三歲也襄公元年晉立悼公往年冬

晉欒書弑其君厲公四年襄公朝晉五年季文

子卒家無衣帛之妾既無食粟之馬府無金玉

以相二君

索隱曰宣成襄也

君子曰季文子廉忠矣九年

與晉伐鄭晉悼公冠襄公於衛

左傳曰冠于成公之廟假鍾磬焉禮也

季武子從相行禮十一年三栢氏分為三軍

昭章

曰周禮天子六軍諸侯大國三軍魯伯禽之封舊有三軍其後削弱二軍而已季武子欲專公室故益中軍以為三軍三

家各征其一。○索隱曰征謂起徒役也。武子為三軍故一卿主一軍之征賦。

十二年朝晉十

六年晉平公即位二十一年朝晉平公二十二

年孔丘生

正義曰生在周靈王二十一年魯襄二十二年晉平七年吳諸樊十年

二十五

年齊崔杼弑其君莊公立其弟景公二十九年

吳延陵季子使魯問周樂盡知其意魯人敬焉

三十一年六月襄公卒其九月太子卒

左傳曰毀也。○索隱

曰左傳云胡女敬歸之子子野立三月卒

魯人立齊歸之子稠為君

徐廣曰稠

一作昭服虔曰胡歸姓之國也齊益也。索隱曰系本作稠徐廣作昭音紹也

是為昭公昭公

魯周公世家

年十九猶有童心

服虔曰言無成人之志而有童子之心

穆叔不欲立

索隱曰魯大夫叔孫豹宜伯喬如之弟

曰太子死有母弟可立不即立

長

服虔曰無母弟則立庶子之長

年鈞擇賢義鈞則卜之

杜預曰先人事後上筮義

鈞謂賢等

今稠非適嗣且又居喪意不在戚而有喜

色若果立必為季氏憂季武子弗聽卒立之比

及葬三易衰

杜預曰言其嬉戲無度

君子曰是不終也昭公

三年朝晉至河晉平公謝還之魯耻焉四年楚

靈王會諸侯於申昭公稱病不往七年季武子

卒八年楚靈王就章華臺召昭公昭公往賀

春秋

云七年二月

賜昭公寶器已而悔復詐取之

左傳曰好以大屈服

虞曰大屈寶金可以為劍一曰大屈弓名魯連書曰楚子身魯疾于章華與之大曲之弓既而悔之大屈始所謂大屈之

也十二年朝晉至河晉平公謝還之十三年楚

公子棄疾弑其君靈王代立十五年朝晉晉留

之葬晉昭公魯耻之二十年齊景公與晏子狩

竟因入魯問禮索隱曰齊系家亦然左傳無其事二十一年朝晉

至河晉謝還之二十五年春鸚鵡來巢周禮曰鸚鵡不踰濟

公羊傳曰非中國之禽也宜穴而巢穀梁傳曰來者來中國也師已曰文成之世童謡

曰賈逵曰師已魯大夫也文成魯文公成公鸚鵡來巢公在乾侯鸚鵡入

處公在外野季氏與郈氏徐廣曰一本作厚世本亦然鬪雞杜預

曰季平子郈昭伯二家相近故鬪雞季氏鬪雞羽服虔曰擣芥子播其雞羽可以分郈氏雞目杜預曰

魯周公世家

或云以膠沙 郈氏金距 服虔曰以金錯距 季平子怒而侵郈

氏 服虔曰怒其不下已也 郈昭伯亦怒平子 索隱曰系本昭伯名

惡魯曾孝公之後稱厚氏 臧昭伯之弟會 賈逵曰昭伯臧孫賜也。索隱曰系本臧會臧項伯

也宣叔許之孫與昭伯賜為從父昆弟也 偽讒臧氏匿季氏臧昭伯囚季

氏人季平子怒囚臧氏老 服虔曰老臧氏家之大臣 臧郈氏以

難告昭公昭公九月戊戌伐季氏遂入平子登

臺請曰君以讒不察臣罪誅之請遷沂上弗許

杜預曰魯城南自有沂水平子欲出城待罪也大沂水出蓋縣南入泗水 請囚於鄆弗許 服虔曰

曰鄆季氏邑 請以五秉云弗許 服虔曰言五秉 子家駒曰

索隱曰魯大夫仲孫氏之族名駒謚懿伯也 君其許之政自季氏久矣為

徒者衆衆將合謀弗聽郈氏曰必殺之叔孫氏

之臣宐左傳曰謂其衆曰無季氏與有孰利皆

曰無季氏是無叔孫氏宐曰然救季氏遂敗公

師孟懿子賈逵曰懿子仲孫何忌聞叔孫氏勝亦殺郈昭伯

郈昭伯為公使故孟氏得之三家共伐公公遂

奔己亥公至于齊齊景公曰請致千社待君子

家曰奔周公之業而臣於齊可乎乃止子家曰

齊景公無信不如早之晉弗從叔孫見公還見

平子平子頓首初欲迎昭公孟孫季孫後悔乃

止二十六年春齊伐魯取鄆賈逵曰曾邑而居昭公焉

魯周公世家

夏齊景公將內公令無受魯賂申豐汝賈

賈逵曰申

豐汝賈

許齊臣高甗子將粟五千庾

賈逵曰十六斗為庾五千庾八

萬斗。索隱曰一本子將上有貨字子將即梁丘據也甗音紇子將家臣也左傳子將作子猶

子將言於

齊侯曰羣臣不能事魯君有異焉

公為魯如晉求內之道卒

春秋曰宋公叔孫昭子

宋元

求內其君無病而死

索隱曰昭子名

不知天奔魯乎

抑魯君有罪于鬼神也願君且待齊景公從之

索隱曰昭子名

姑即穆叔子

二十八年昭公如晉求入季平子私於晉六卿

六卿受季氏賂諫晉君晉君乃止居昭公乾侯

杜預曰乾侯在魏郡

斤丘縣晉竟內邑

二十九年昭公如鄆齊景公使

人賜昭公書自謂主君

服虔曰大夫稱主比昭公耻公於大夫故稱主君

昭公耻

之怒而去乾侯三十一年晉欲內昭公召季平

子平子布衣跣行

王肅曰示憂戚

因六卿謝罪六卿為言

曰晉欲內昭公衆不從晉人止三十二年昭公

卒於乾侯魯人共立昭公弟宋為君是為定公

定公立趙簡子問史墨

服虔曰史墨晉史蔡墨

曰季氏云乎

史墨對曰不云季友有大功於魯受艷為上卿

至于文子武子世增其業魯文公卒東門遂

服虔

曰東門遂襄仲也居東門故稱東門遂○素隱曰系本並作述鄒誕作林又系本遂產子家歸父及昭子子嬰也

殺

適立庶魯君於是失國政政在季氏於今四君

矣民不知君何以得國是以爲君慎器與名不

可以假人

杜預曰器車服名爵號

定公五年季平子卒陽虎

私怒囚季栢子與盟乃捨之七年齊伐我取鄆

以爲魯陽虎邑以從政八年陽虎欲盡殺三栢

適而更立其所善庶子以代之載季栢子將殺

之栢子詐而得脫三栢共攻陽虎陽虎居陽關

服虔曰陽關魯邑

九年魯伐陽虎陽虎奔齊已而奔晉趙

氏

正義曰左傳云仲尼曰趙氏其世有乱乎杜預云受乱人故

十年定公與齊景公

會於夾谷孔子行相事齊欲襲魯君孔子以禮

歷階誅齊淫樂齊侯懼乃止歸魯侵地而謝過

十二年使仲由毀三桓城

服虔曰仲由子路

收其甲兵孟

氏不肯墮城

杜預曰墮毀

伐之不克而止季桓子受齊

女樂孔子去

公卒子將立是為哀公

孔安國曰桓子使定公受齊女樂君臣相與觀之廢朝禮三日

十五年定

景公卒六年齊田乞弑其君孺子

索隱曰系本將亦作蔣

哀公五年齊

差彊伐齊至繒徵百牢於魯季康子使子貢說

吳王及太宰嚭以禮詘之吳王曰我文身不足

責禮乃止八年吳為鄒伐魯至城下盟而去齊

伐我取三邑十年伐齊南邊十二年齊伐魯季

氏用冉有有功思孔子孔子自衛歸魯十四年

齊田常弑其君簡公於徐州孔子請伐之哀公
不聽十五年使子服景伯子貢為介適齊齊歸
我侵地田常初相欲親諸侯十六年孔子卒二
十二年越王勾踐滅吳王夫差二十七年春季
康子卒夏哀公患三桓將欲因諸侯以劫之三
桓亦患公作難故君臣多間賈逵曰公游于陵阪
服虔曰陵阪地名遇孟武伯於衢索隱曰一本作衛非也左傳於孟氏之衢曰請問
余及死乎杜預曰問己可得以壽死不對曰不知也公欲以越
伐三桓八月哀公如陘氏杜預曰陘氏即有山氏三桓攻公
公奔于衛去如鄒遂如越國人迎哀公復歸卒

子有山氏

徐廣曰皇甫謐云哀公元甲辰終庚午

子寧立是為悼公悼

公之時三桓勝魯如小侯界於三桓之家十三

年三晉滅智伯分其地有之三十七年悼公卒

徐廣曰一本云悼公即位三十年乃於秦惠王卒楚懷王死年合又自悼公以下尺與劉歆曆譜合而反違年表未詳何

故皇甫謐云悼公四十年元辛未終庚戌子嘉立是為元公元公二十一年

卒

徐廣曰皇甫謐云元辛亥終辛未

子顯立是為穆公

索隱曰系本顯作不

衍

穆公二十二年卒

徐廣曰皇甫謐云元壬申終甲辰

子奮立是為

共公共公二十二年卒

徐廣曰皇甫謐云元乙巳終丙寅

子屯立是

為康公

索隱曰屯音竹倫反

康公九年卒

徐廣曰皇甫謐云元丁卯終乙亥

子偃

立是為景公

索隱曰偃音偃

景公二十九年卒

徐廣曰皇甫謐云元

丙子終甲辰子叔立是為平公索隱曰系本叔作旅是時六國皆稱

王平公十二年秦惠王卒二十二年平公卒徐廣曰皇甫謐云元

乙巳終甲子子賈立是為文公索隱曰系本作湣公鄒誕亦同系家或作

文公七年楚懷王死于秦二十二年文公卒徐廣曰皇甫謐云元

元乙丑終丁亥子讎立是為傾公傾公二年秦拔

楚之郢徐廣曰年表云文公十八年秦拔郢楚走陳楚傾王東徙于陳十

九年楚伐我取徐州徐廣曰徐州在魯東今薛縣。索隱曰說文邾邾之下邑在魯東又

郡國志曰魯國薛縣六國時曰徐州又紀年云梁惠王三二

十一年下邳遷于薛故名曰徐州則徐與邾並音舒也

十四年楚考烈王伐滅魯傾公亡遷於下邑徐廣曰十一作下。索隱曰下邑謂國外之小邑本或作下邑然魯有下邑與此不同為家人魯絕祀

傾公卒于柯

徐廣曰皇甫謐云元戊子終辛亥。索隱曰春秋齊及魯盟于柯杜預云柯齊邑今濟北

阿魯起周公至傾公凡三十四世

太史公曰余聞孔子稱曰甚矣魯道之衰也洙

泗之間斷斷如也

徐廣曰漢書地理志云魯濱洙泗之間其民涉渡幼者扶老者而代其任

俗既薄長老不自安與幼者相讓故曰斷斷如也斷魚斤反東州語也蓋幼者患苦長者長者忿愧自守故斷斷爭辭所以為道衰也。索隱曰讀如論語閭閻如也言魯道雖微而洙泗之間尚閭閻如也鄒誕生亦音銀又作斷斷如尚書讀

則斷斷是專一之義徐廣又引地理志音五艱反云斷斷是鬪爭之貌故繁欽遂行賦云涉洙泗而飲馬耻少長之斷斷是也今按下文云至于揖讓之禮則從矣

魯尚有揖讓之風如論語音閭為得之也

觀慶父及叔

牙閔公之際何其亂也隱相之事襄仲殺適立

庶三家北面為臣親攻昭公昭公以奔至其揖

魯周公世家

讓之禮則從矣而行事何其安也

索隱述贊曰

武王既沒

成王幼孤

周公攝政

負宸據圖

及還臣列

北面躬如

元子封魯

少昊之墟

夾輔王室

世職不渝

降及孝公

穆仲致譽

隱能讓國

春秋之初

丘明執簡

褒貶備書

史伍阡捌伯玖拾貳字

註伍阡貳伯玖拾叁字

魯周公世家第三

史記三十三

魯周公世家

燕召公世家第四

史記三十四

召公奭與周同姓姓姬氏

譙周曰周之支族食邑於召謂之召公。索隱曰召

者畿內采地奭始食於召故曰召公或說者以為文王受命取岐周故墟召地分爵二公故詩有周召二南言皆在岐山之陽故言南也後武王封之北燕在今幽州薊縣故城是也亦以元子就封而次子留周室代為邵公至宣王時邵康公虎其後也周武王之滅紂封召公於北燕

世本曰居北燕宋忠曰有南燕故其在成王時召公為三公自陝以西召公

主之自陝以東周公主之

何休曰陝者蓋今弘農陝縣是也

成王既

幼周公攝政當國踐祚召公疑之作君奭

孔安國曰

尊之曰君陳古以告之故以名篇

君奭不說周公

馬融曰召公以周公既攝政致太平功配

文武不宜復列在臣位故不說以為周公苟貪寵也

周公乃稱湯時有伊尹假

于皇天

孔安國曰伊摯佐湯功至大天謂致太平也鄭玄曰皇天北極天帝也

在太戊時

則有若伊陟臣扈假于上帝巫咸治王家

孔安國曰

伊陟臣扈率伊尹之職使其君不隕祖業故至天之功不隕巫咸治王家言其不及二臣馬融曰道至于上帝謂奉天時也鄭玄曰上帝太

微中其所統也

在祖乙時則有若巫賢

孔安國曰時賢臣有如此

巫賢也賢咸子巫氏也

在武丁時則有若甘般

孔安國曰高宗即位甘般佐之

後有

卒維茲有陳保又有般

徐廣曰一無此九字駟案王肅曰循此數臣有

陳列之功安治有般也

於是召公乃說召公之治西方甚得

兆民和召公巡行鄉邑有棠樹

正義曰今之棠梨樹也括地志云邵伯廟

在洛州壽安縣西北五里邵伯聽訟甘棠之下周人思之不伐其樹後人懷其德因立廟有棠在九曲城東阜上

獄政事其下自侯伯至庶人各得其所無失職

燕召公世家

者召公卒而民人思召公之政懷棠樹不敢伐
哥詠之作甘棠之詩自召公已下九世至惠侯

索隱曰並國史先失也又自惠侯已下皆無名亦不言屬惟昭王父子有名蓋在戰國時旁見他說耳燕四十二代有二

惠侯二釐侯二宣侯二相侯二燕惠侯當周厲王奔彘

文侯孟國史微失本謚故重耳共和之時惠侯卒子釐侯立正義釐音信是歲周宣王

初即位釐侯二十一年鄭桓公初封於鄭三十

六年釐侯卒子頃侯立頃侯二十年周幽王淫

亂為犬戎所弑秦始列為諸侯二十四年頃侯

卒子哀侯立哀侯二年卒子鄭侯立索隱曰謚法無鄭鄭或是

名鄭侯二十六年卒子繆侯立繆侯七年而魯

隱公元年也十八年卒子宣侯立

索隱曰譙周二云系本謂燕自宣

侯已上皆父子相傳故無所疑相侯已下並不言屬以其難明故也按今系本無燕代系宋忠依太史公書以補其闕尋

徐廣作音尚引系本蓋近代始散逸耳

宣侯十三年卒子相侯立

徐廣曰古

史考曰世家自宣侯已下不說其屬以其難明故也

相侯七年卒

系本曰相侯徙臨易宋忠曰今

河間易縣是也

子莊公立莊公十二年齊相公始霸十六

年與宋衛共伐周惠王惠王出奔温立惠王弟

頹為周王

譙周曰按春秋傳燕與子頹逐周惠王者乃南燕姑姓也系家以為北燕失之。索隱曰譙周

云據左氏燕與衛伐周惠王乃是南燕姑姓而系家以為北燕伯故者史考云此燕是姑姓今檢左氏莊十九年衛師燕

師伐周二十年齊伐山戎傳云執燕仲父三十年齊伐山戎傳曰謀山戎以其病燕故也據傳文及此記元是北燕不疑

杜君妄說仲父是南燕伯為伐周故且燕衛俱是姬姓故有伐國納王之事若是姑燕與衛伐周則鄭何以獨伐燕而不

燕召公世家

伐衛

十七年鄭執燕仲父而內惠王于周二十

七年山戎來侵我齊桓公救燕遂北伐山戎而

還燕君送齊桓公出境桓公因割燕所至地予

燕

正義曰予音與括地志云燕留故城在滄州長盧縣東北十七里即齊桓公分瀋割燕君所至地與燕因築此城故

名燕

使燕其貢天子如成周時職使燕復脩召

公之法三十二年卒子襄公立襄公二十六年

晉文公為踐土之會稱伯二十一年秦師敗于

穀二十七年秦穆公卒四十年襄公卒桓公立

桓公十六年卒

索隱曰誰周二云系家襄伯生宣伯無桓公今驗史記並有桓公立十六年又宋忠

據此史補系家亦有桓公是允南所見本異則是燕有三桓公也

宣公立宣公十五年

卒昭公立昭公十二年卒武公立是歲晉滅三
 卻大夫武公十九年卒文公立文公六年卒懿
 公立懿公元年齊崔杼弑其君莊公四年卒子
 惠公立惠公元年齊高止來奔六年惠公多寵
 姬公欲去諸大夫而立寵姬宋大夫共誅姬宋
 索隱曰宋其名也或作宗劉氏云其父兄為執政故諸大夫共滅之
 惠公懼奔齊四年齊
 高偃如晉請共伐燕入其君晉平公許與齊伐
 燕入惠公惠公至燕而死
 索隱曰春秋昭三年北燕伯欵奔齊至六年又云齊
 伐北燕一與此文合左傳無納欵之文而云將納簡公晏子
 曰燕君不入矣齊遂受賂而還事與此乖而又以欵為簡公
 簡公後惠公四代則與春秋
 經傳不相協未可強言也
 燕立悼公悼公七年卒

燕召公世家

共公立共公五年卒平公立晉公室卑六卿始

彊大平公十八年吳王闔閭破楚入郢十九年

卒簡公立簡公十二年卒獻公立索隱曰王邵按紀年簡公後次

孝公無獻公然紀年之書多是偽諺聊記異耳晉趙鞅圍范中行於朝歌獻

公十二年齊田常弑其君簡公十四年孔子卒

二十八年獻公卒孝公卒孝公十二年韓魏趙

滅知伯分其地索隱曰按紀年智伯滅在成公二年也三晉彊十五年

孝公卒成公立成公十六年卒索隱曰按紀年成侯名載湑公

立湑公二十一年卒釐公立索隱曰年表作釐侯莊徐廣云一無莊字按燕

失年紀及其君名表言莊者衍字也是歲三晉列為諸侯索隱曰按紀年作文公二

十四年卒簡公立十三年而釐公三十年伐齊敗于

林營

索隱曰林營地名一云林地名於林地立營故曰林營

釐公卒

索隱曰紀年作簡公四十年

五年卒矣也按上簡公生獻公則此當是釐但立年又誤耳

桓公立桓公十一年卒

文公立

索隱曰系本已上文公為閔公則湣與閔同而上懿公之父又謚文公

是歲秦獻

公卒秦益疆文公十九年齊威王卒二十八年

蘇秦始來見說文公文公予車馬金帛以至趙

趙肅侯用之因約六國為從長

正義從足從反長丁丈反

秦惠

王以其女為燕太子婦二十九年文公卒太子

立是為易王易王初立齊宣王因燕喪伐我取

十城蘇秦說齊使復歸燕十城十年燕君為王

燕召公世家

索隱曰燕君即易王也言君初以十年即稱王也上言易王者易謚也後追書謚耳蘇秦與燕文

公夫人私通懼誅乃說王使齊為反間欲以亂

齊孫子兵法曰反間者因敵間而用之者也凡軍之所欲擊城之所欲攻人之所欲殺必先知其守將左右謁者門者

舍人之姓名令吾間必索敵間之來間我者因而利導舍之故反間可得用也。正義曰使音所吏反間音紀覓反易

王立十二年卒子燕噲立燕噲既立齊人殺蘇

秦蘇秦之在燕與其相子之為婚而蘇代與子

之交及蘇秦死而齊宣王復用蘇代燕噲二年

與楚三晉攻秦不勝而還子之相燕貴重主斷

蘇代為齊使於燕索隱曰按戰國策曰子之使蘇代侍質子於齊齊使代報燕是也燕

王問曰齊王奚如對曰必不霸燕王曰何也對

曰不信其臣蘇代欲以激燕王以尊子之也於

是燕王大信子之子之因遺蘇代百金而聽正義

曰墳云秦以一益為一金其所使鹿毛壽徐廣曰一作

孟康云二十四兩曰溢謂燕王不如以國讓相

子之人之謂堯賢者以其讓天下於許由許由

不受有讓天下之名而實不失天下今王以國

讓於子之子之必不敢受是王與堯同行也燕

王因屬國於子之子之大重索隱曰大重謂尊貴也或曰禹

薦益已索隱曰以已配益則益已而以啓

人為吏索隱曰人猶臣也及老而以啓人為不足

燕召公世家

任乎天下傳之於益已而啓與交黨攻益奪之

天下謂禹名傳天下於益已而實令啓自取之

今王言屬國於子之而吏無非太子人者索隱曰此人亦

訓臣也是名屬子之而實太子用事也王因收印

自三百石吏已上而效之子之索隱曰鄭玄云效呈也以印呈與子之

子之南面行王事而噲老不聽政顧為臣索隱曰顧猶反

也言噲反為子之臣也有本作願者非國事皆決於子之三年國大亂

百姓恫怨索隱曰恫猶痛也民皆恐懼將軍市被正義曰人姓名與太子

平謀將攻子之諸將謂齊湣王曰因而赴之破

燕必矣齊王因令人謂燕太子平曰寡人聞太

子之義將廢私而立公飭君臣之義正義飭音勅明父

子之位寡人之國小不足以為先後正義先後並去聲雖

然則唯太子所以令之太子因要黨聚眾將軍

市被圍八宮攻子之不克將軍市被及百姓反

攻太子平將軍市被死以徇因構難數月死者

數萬眾人恫恐百姓離志孟軻謂齊王曰今伐

燕此文武之時不可失也索隱曰謂如武王成文王之業伐紂之時然此語與

孟子子王因令章子將五都之兵章子齊人見孟子索隱曰五都即齊也

按臨淄是五都之一以因北地之眾以伐燕索隱曰北地即齊之北邊也士卒

不戰城門不閉燕君噲死齊大勝燕子之云徐廣

燕召公世家

曰年表云君噲及太子相子之皆死駟案
汲冢紀年曰齊人禽子之而醢其身也
二年而燕人共

立太子平是為燕昭王

徐廣曰噲立七年而死其九年燕人共立太子平。索隱

曰按上文太子平謀攻子之而年表又云君噲及太子相子之皆死紀年又云子之殺公子平今此文云立太子平是為燕昭王則年表紀年為謬也而趙系家云武靈王開燕亂召公子職於韓立以為燕王使樂池送之裴駟亦以此系家無趙送公子職之事當是遙立職而送之事竟不就則開王名平非職明矣進退參詳是年表既誤而紀年因之而妄說耳

燕昭王於破燕之後即位卑身厚幣以招賢者

謂郭隗曰齊因孤之國亂而襲破燕孤極知燕

小力少不足以報然誠得賢士以共國以雪先

王之耻孤之願也先生視可者得身事之郭隗

曰王必欲致士先從隗始况賢於隗者豈遠干

里哉於是昭王爲隗改築宮而師事之樂毅自
魏往鄒衍自齊往劇辛自趙往士爭趨燕燕王
平死問孤與百姓同甘苦二十八年燕國殷富
士卒樂軼輕戰於是遂以樂毅爲上將軍與秦
楚三晉合謀以伐齊齊兵敗湣王出亡於外燕
兵獨追北入至臨淄盡取齊寶燒其宮室宗廟
齊城之不下者獨唯聊莒即墨索隱曰按餘篇及
戰國策並無聊字其
餘皆屬燕六歲昭王三十二年卒子惠王立惠
王爲太子時與樂毅有隙及即位疑毅使騎劫
代將樂毅亡走趙齊田單以即墨擊敗燕軍騎

劫死燕兵引歸齊悉復得其故城潛王死于莒

乃立其子為襄王惠王七年卒

索隱曰按趙系家惠文王二十八年燕相

成安君公孫操弑其王樂資以為即惠王也徐廣按年表是年燕武成王元年武成即惠王子則惠王為成安君弑明矣此不言者燕遠諱不告或太史公之說踈也韓魏楚共伐燕燕武成王立

武成王七年齊田單伐我拔中陽十三年秦敗

趙於長平四十餘萬十四年武成王卒子孝王

立孝王元年秦圍邯鄲者解去三年卒子今王

喜立

索隱曰今王猶今上也有作金者非也按謚法無金

今王喜四年秦昭王

卒燕王命相栗腹約歡趙以五百金為趙王酒

還報燕王曰趙王壯者皆死長平其孤未壯可

伐也王召昌國君樂間問之對曰趙四戰之國

正義曰趙東隣燕西接秦境南錯韓魏北連胡貊故言四戰

其民習兵不可伐王曰

吾以五而伐一

索隱曰謂以五人而伐一人

對曰不可燕王怒羣

臣皆以為可卒起二軍車二千乘栗腹將而攻

鄆

徐廣曰在常山今日高邑。索隱曰鄆氏音火各反一音吳

卿秦攻代

正義曰今代州也戰國策

云廉頗以二十萬遇栗腹於鄆樂乘以五萬遇爰秦於代燕人大敗與此不同也

唯獨大夫將

渠謂燕王曰

索隱曰人名姓也一云上卿秦及此將渠皆卿將官秦渠其名也國史變文而書遂失姓

爾戰國策云慶秦慶是姓也卿其官耳

與人通關約交以五百金飲人

之王使者報而反攻之不祥兵無成功燕王不

聽自將偏軍隨之將渠引燕王緩止之曰王必

無自往往無成功王寔之以足將渠泣曰臣非

以自為為王也燕軍至宋子徐廣曰屬鉅鹿趙使廉頗將

擊破栗腹於鄔破卿秦樂乘於代索隱曰戰國策曰廉頗以二十

萬遇栗腹於鄔樂乘以五萬遇慶秦於代燕人大敗與此不同樂間奔趙廉頗逐之五

百餘里圍其國燕人請和趙人不許必令將渠

處和燕相將渠以處和以將渠為相。索隱曰謂欲令將渠處之使和也趙

聽將渠解燕圍六年秦滅東西周置三川郡七

年秦拔趙榆次二十七城秦置太原郡九年秦

王政初即位十年趙使廉頗將攻繁陽徐廣曰屬魏郡

拔之趙孝成王卒悼襄王立使樂乘代廉頗廉

頗不聽攻樂乘樂乘走廉頗奔大梁十二年趙

使李牧攻燕拔武遂

徐廣曰屬河間

方城

徐廣曰屬涿有督元亭

劇辛

故居趙與龐煖善

索隱曰煖音况遠反

已而云走燕燕見趙

數困于秦而廉頗去令龐煖將也欲因趙弊攻

之問劇辛辛曰龐煖易與耳燕使劇辛將擊趙

趙使龐煖擊之取燕軍二萬殺劇辛秦拔魏二

十城置東郡十九年秦拔趙之鄴

正義曰即相州鄴縣也

九

城趙悼襄王卒二十二年太子丹質於秦云歸

燕二十五年秦虜滅韓王安置潁川郡二十七

年秦虜趙王遷滅趙趙公子嘉自立為代王燕

燕召公世家

見秦且滅六國秦兵臨易水徐廣曰出涿郡故安也禍且至

燕太子丹陰養壯士二十人使荆軻獻督元地

圖於秦索隱曰徐廣云涿有督元亭地理志屬廣陽然督元之田在燕東甚良沃欲獻秦故畫其圖而獻焉

因襲刺秦王秦王覺殺軻使將軍王翦擊燕二

十九年秦攻拔我薊燕王亡徙居遼東斬丹以

獻秦三十年秦滅魏三十二年秦拔遼東虜燕

王喜卒滅燕是歲秦將王賁正義曰賁立音奔王前羽子亦虜代

王嘉

太史公曰召公奭可謂仁矣甘棠且思之况其

人乎燕北迫蠻貉內措齊晉索隱曰措交雜也又崎作錯劉氏云爭錯也

史記燕召公世家四
十
嶇疆國之間最爲弱小幾滅者數矣然社稷血
食者八九百歲於姬姓獨後亡豈非召公之烈耶
索隱述贊曰
召伯作相
分陝而治

人惠其德

甘棠是思

莊送霸王

惠羅寵姬

文公約趙

蘇秦騁辭

易王初立

齊宣我欺

燕噲無道

禪位子之

昭王待士

思報臨菑

督元不就

卒見芟夷

史貳阡陸伯冬拾字。註貳阡貳伯貳拾壹字

燕召公世家第四

史記三十四

燕召公世家

管蔡世家第五

史記三十五

管叔鮮

正義曰音仙括地志云鄭州管城縣今州外城即管國城也是叔鮮所封國也

蔡叔度

者周文王子而武王弟也武王同母兄弟十人

母曰太妣

正義曰國語云祀繒二國妣姓夏禹之後太妣之家太妣文王之妃武王之母烈女傳云太妣

者武王之母禹後妣氏之女也在郃之陽在渭之涘仁而明道文王喜之親迎於渭造舟為梁及入太妣思任旦夕勤勞

以進婦道太妣號曰文母文王理外文母治內太妣生十男教誨自少及長未嘗見邪僻之事言常以正道持之也

王正妃也其長子曰伯邑考次曰武王發次曰

管叔鮮次曰周公旦次曰蔡叔度次曰曹叔振

鐸次曰成叔武

正義曰括地志云濮州雷澤縣在東南九十一里漢成陽縣古邨伯姬姓之國

其後遷於成之陽

次曰霍叔處

正義曰處昌汝反括地志云晉州霍邑縣本漢彘縣也鄭玄註周禮

云霍山在彙本春秋時霍伯國地

次曰康叔封次曰冉季載

正義冉作丹音

奴甘反或作邢音同丹國名也季載人名也伯邑考最長所以加伯諸中子咸言叔以載最少故言季載

冉季

載最少同母兄弟十人

徐廣曰文王之子為侯者十有六國

唯發旦

賢左右輔文王

正義曰左右並去聲

故文王舍伯邑考而以

發為太子及文王崩而發立是為武王伯邑考

既已前卒矣武王已克殷紂平天下封功臣昆

弟於是封叔鮮於管

杜預曰管在滎陽京縣東北

封叔度於蔡

世本曰居上蔡

二人相紂子武庚祿父治殷遺民封叔旦

於魯而相周為周公封叔振鐸於曹封叔武於

成

索隱曰按春秋隱五年衛師入邾杜預曰東平剛父縣有邾鄉後漢地理志以為成本國又地理志廩丘縣南有成

管蔡世家

故城應劭云武王封弟季載於成是封叔處於霍索隱曰春秋閔

古之成邑應仲遠誤云季載封耳元年晉滅霍地理志云河東彘縣康叔封冉季載皆少

未得封索隱曰孔安國曰康畿內國武王既崩成王

少周公曰專王室管叔蔡叔疑周公之為不利

於成王乃挾武庚以作亂周公旦承成王命伐

誅武庚殺管叔而放蔡叔遷之與車十乘徒七

十人從而分殷餘民為二其一封微子啓於宋

以續殷祀其一封康叔為衛君是為衛康叔封

季載於冉索隱曰冉國也載名也季字也冉或作那國語

八年楚武王克權遷於那處杜預云那處楚冉季康叔皆

地南郡編縣有那口城聃與那皆音如甘反

有馴行

索隱曰如字音巡馴善也

於是周公舉康叔為周司寇

冉季為周司空

索隱曰事見左傳定公四年

以佐成王治皆有

令名於天下蔡叔度既遷而死其子曰胡胡乃

改行率德馴善周公聞之而舉胡以為魯卿士

索隱曰尚書云蔡仲克庸祗德周公以為卿士叔卒乃命諸王邦之蔡元無仕魯之文又伯禽居魯乃是七年致政之後

此言乃說居攝政之初未知史遷何憑而有斯言也魯國治於是周公言於成

王復封胡於蔡

宋忠曰胡徙居新蔡

以奉蔡叔之祀是為蔡

仲餘五叔皆就國無為天子吏者

索隱曰五叔管叔蔡叔成叔曹

叔霍

蔡仲卒子蔡伯荒立蔡伯荒卒子宮侯立

宮侯卒子厲侯立厲侯卒子武侯立武侯之時

管蔡世家

周厲王失國奔彘共和行政諸侯多叛周武侯
卒子夷侯立夷侯十一年周宣王即位二十八
年夷侯卒子釐侯所事立釐侯三十九年周幽
王為犬戎所殺周室卑而東徙秦始得封為列
侯正義曰周幽王為犬戎所殺平王東徙洛邑秦襄公以兵救因送平王至洛故平王封襄公四十八
年釐侯卒子共侯興立共侯二年卒子戴侯立
戴侯十年卒子宣侯措父立宣侯二十八年魯
隱公初立三十五年宣侯卒子栢侯封人立栢
侯三年魯弒其君隱公二十年栢侯卒弟哀侯
獻舞立哀侯十一年初哀侯娶陳息侯亦娶陳

杜預曰息國
汝南新息縣

息夫人將歸過蔡蔡侯不敬息侯怒

請楚文王來伐我我求救於蔡蔡必來楚因擊
之可以有功楚文王從之虜蔡哀侯以歸哀侯
留九歲死於楚凡立二十年卒蔡人立其子勝
是為繆侯繆侯以其女弟為齊桓公夫人十八
年齊桓公與蔡女戲船中夫人蕩舟桓公止之
不止公怒歸蔡女而不絕也蔡侯怒嫁其弟索隱
曰弟女弟即
蕩舟之姬齊桓公怒伐蔡蔡潰遂虜繆侯南至
楚邵陵已而諸侯為蔡謝齊齊侯歸蔡侯二十
九年繆侯卒子莊侯甲午立莊侯三年齊桓公

卒十四年晉文公敗楚於城濮二十年楚太子
商臣弑其父成王代立二十五年秦穆公卒三
十三年楚莊王即位三十四年莊侯卒子文侯
申立文侯十四年楚莊王伐陳殺夏徵舒十五
年楚圍鄭鄭降楚楚復驛之正義曰驛音釋二十年文侯
卒子景侯同立景侯元年楚莊王卒二十九年
景侯為太子般娶婦於楚而景侯通焉太子弑
景侯而自立是為靈侯靈侯二年楚公子圍弑
其王郟敖而自立為靈王正義郟紀洽反敖五高反九年陳司
徒招弑其君哀公索隱曰招或作茗又作昭並音時遙反楚使公子棄

疾滅陳而有之十二年楚靈王以靈侯弑其父

誘蔡靈侯于申正義曰故申城在鄧州伏甲飲之醉而殺之

刑其士卒七十人令公子棄疾圍蔡十一月滅

蔡使棄疾為蔡公正義曰蔡之大夫也楚滅蔡二歲楚公子

棄疾弑其君靈王代立為平王平王乃求蔡景

侯少子廬立之是為平侯宋忠曰平侯徙下蔡。索隱曰今系本無者近脫耳

是年楚亦復立陳楚平王初立欲親諸侯故復

立陳蔡後世本曰平侯者靈侯般之孫太子友之子平侯九年卒靈侯般

之孫東國攻平侯子而自立是為悼侯悼侯父

曰隱太子友者靈侯之太子平侯立而殺隱太

管蔡世家

子故平侯卒而隱太子之子東國攻平侯子而
代立是為悼侯悼侯三年卒弟昭侯申立昭侯
十年朝楚昭王持美裘二獻其一於昭王而自
衣其一楚相子常欲之不與子常讒蔡侯留之
楚三年蔡侯知之乃獻其裘於子常子常受之
乃言歸蔡侯蔡侯歸而之晉請與晉伐楚十三
年春與衛靈公會邵陵蔡侯私於周襄弘以求
長於衛服虔曰載書使蔡在衛上衛使史鮑言康叔之功德乃
長衛夏為晉滅沈杜預曰汝南平輿縣有邠亭楚怒攻蔡蔡昭
侯使其子為質於吳正義質音致以共伐楚冬與吳王

闔閭遂破楚入郢蔡然子常子常恐奔鄭十四
年吳去而楚昭王復國十六年楚令尹為其民
泣以謀蔡蔡昭侯懼二十六年孔子如蔡楚昭
王伐蔡蔡恐告急於吳吳為蔡遠約遷以自近
易以相救昭侯私許不與大夫計吳人來救蔡
因遷蔡于州來索隱曰州來在淮南下蔡縣二十八年昭侯將
朝于吳大夫恐其復遷乃令賊利殺昭侯索隱曰利賊名也
已而誅賊利以解過而立昭侯子朔是為成
侯徐廣曰或作景成侯四年宋滅曹十年齊田常弒其君
簡公十二年楚滅陳十九年成侯卒子聲侯產

世系蔡世家

立聳侯十五年卒子元侯立元侯六年卒子侯

齊立侯齊四年楚惠王滅蔡蔡侯齊云蔡遂絕

祀後陳滅三十二年索隱曰魯哀十七年楚滅陳其楚滅蔡絕其祀又在滅陳之後三十二年即在春秋

後二十三年伯邑考其後不知所封武王發其

後為周有本紀言管叔鮮作亂誅死無後周公

旦其後為魯有世家言蔡叔度其後為蔡有世

家言曹叔振鐸其後為曹有世家言索隱曰曹亦姬姓之國而

文之昭春秋之時頗稱疆國傳數十代而後云豈可附管蔡二國之末而沒其篇第自合析為一篇成叔武

其後世無所見霍叔處其後晉獻公時滅霍康

叔封其後為衛有世家言冉季載其後世無所

見

太史公曰管蔡作亂無足載者然周武王崩成
王少天下既疑賴同母之弟成叔冉季之屬十
人為輔拂是以諸侯卒宗周故附之世家言

曹叔世家

索隱曰按上文叔振鐸其後為曹有系家言即
曹亦合題系家今附管蔡之末而不出題者蓋

以曹小而少事迹因附管蔡之末不別題篇爾且
又管雖無後仍是蔡曹之兄故顯管蔡而略曹

曹叔振

鐸者周武王弟也武王已克殷紂封叔振鐸於

曹

宋忠曰濟
陽定陶縣

叔振鐸卒子太伯腓立太伯卒子仲

君平立仲君平卒子宮伯侯立宮伯侯卒子孝

伯雲立孝伯雲卒子夷伯喜立夷伯二十三年

管蔡世家

周厲王奔于彘三十年卒弟幽伯彊立幽伯九

年弟蘇殺幽伯代立是為戴伯戴伯元年周宣

王已立三歲三十年戴伯卒子惠伯兕立孫檢曰兕音徐

子反曹惠伯或名雉或名弟或復名弟兕也。索隱曰按年表作惠公伯雉註引孫檢未詳何代或云齊人亦恐其人不

註史記所以王儉七志阮孝緒七錄並無不知裴駟何所從錄惠伯二十五年周幽王

為犬戎所殺因東徙益單諸侯畔之秦始列為

諸侯三十六年惠伯卒子石甫立其弟武殺之

代立是為繆公繆公三年卒子栢公終生立孫檢

曰一作終栢公三十五年曾隱公立四十五年曾

弒其君隱公四十六年宋華父督弒其君殤公

及孔父五十五年相公卒子莊公多姑立索隱曰夕音亦

即射姑也

莊公二十三年齊相公始霸三十一年

莊公卒子釐公夷立釐公九年卒子昭公班立

昭公六年齊相公敗蔡遂至楚召陵九年昭公

卒子共公襄立共公十六年初晉公子重耳其

云過曹曹君無禮欲觀其駢脅韋昭曰駢者并幹也。正義曰駢白

邊反脅許業反釐公負羈正義曰釐音倍曹大夫諫不聽私善於重耳

二十一年晉文公重耳伐曹虜共公以歸令軍

毋入釐公負羈之宗族間或說晉文公曰昔齊相

公會諸侯復異姓今君囚曹君滅同姓何以令

於諸侯晉乃復歸共公二十五年晉文公卒三

十五年共公卒子文公壽立文公二十三年卒

子宣公彊立索隱曰左傳宣公名廬宣公十七年卒弟成公

負芻立成公三年晉厲公伐曹虜成公以歸已

復釋之索隱曰按左傳成十五年晉厲公執負芻歸于京師晉立宣公弟子臧子臧曰聖達節次守節下失

節為君非吾節也遂逃奔宋曹人請于晉晉人謂子臧反國吾歸而君子臧反晉於是歸負芻五年晉欒

書中行偃使程滑弑其君厲公二十三年成公

卒子武公勝立武公二十六年楚公子棄疾弑

其君靈王代立二十七年武公卒子平公頃立

平公四年卒子悼公午立是歲宋衛陳鄭皆火

悼公八年宋景公立九年悼公朝於宋宋囚之

曹立其弟野是為聲公悼公死於宋歸葬聲公

五年平公弟通弑聲公代立是為隱公索隱曰誰周云春秋

無其事今檢系本及春秋悼伯卒弟露立謚靖公實無聲公隱公蓋是彼文自踈也隱公四年聲

公弟露弑隱公代立是為靖公靖公四年卒子

伯陽立伯陽三年國人有夢眾君子立于社宮

賈逵曰社宮社也鄭眾曰社宮中有室屋者謀欲云曹曹叔振鐸止之請

待公孫彊許之旦求之曹無此人夢者戒其子

曰我亡爾聞公孫彊為政必去曹無罹曹禍索隱

曰離即罹及伯陽即位好田弋之事六年曹野人

罹被也

管蔡世家

公孫彊亦好田弋獲白鴈而獻之且言田弋之
說因訪政事伯陽大說之有寵使為司城以聽
政夢者之子乃亡去公孫彊言霸說於曹伯十
四年曹伯從之乃背晉干宋賈逵曰以小加大。索
隱曰干謂犯也言曹因
棄晉而犯宋遂至滅也裴氏引賈逵註云以
小加大者加陵也小即曹大謂晉及宋也宋景公伐之
晉人不救十五年宋滅曹執曹伯陽及公孫彊
以歸而殺之曹遂絕其祀

太史公曰

索隱曰檢諸
本或無此論

余尋曹共公之不用僖負

羈乃乘軒者二百人

正義曰晉世家云晉師入曹數之
以其不用僖負羈言而美女乘軒

三百人也知唯德之不建及振鐸之夢豈不欲引曹

之祀者哉如公孫彊不脩厥政叔鐸之祀忽諸

正義曰至如公孫強不脩霸道之政而伯陽之子立叔鐸猶尚饗祭祀豈合忽絕之哉

索隱述贊曰

武王之弟

管蔡及霍

周公居相

流言是作

狼跋致艱

鳴鴉討惡

胡能改行

克復其爵

獻舞執楚

遇息禮薄

穆侯虜齊

蕩舟乖謔

曹共輕晉

負羈先覺

伯陽夢社

祚傾振鐸

史貳阡伍伯捌拾捌字。註壹阡叁伯柒拾柒字

管蔡世家第五

史記三十五

管蔡世家